

Morero Momenwagatshela Wa Ketelo Ya Gabariele Go Daniele

 Eupša ke maketše kudu ka... batšwamahlalagading ba rena ba bannyane mosong wo, ba bannyane, le a tseba, ba bannyane “fefe” le “fifi,” ba bannyane, ba... le a tseba, ba malesometshela. Gomme ba tla ka kerekeng, le a tseba, e ka ba... Basetsana ba bannyane, e ka ba mengwaga yeo, ba nyaka go lebega botsana, le a tseba. Bona, le a tseba, moriri o tatagane ohle, godimo ga hlogo ya bona; ke ba hlokometše, ge ke be ke rera, e no tšwelapele e tatologa, e tatologa. Gomme, morago ga lebakana, ba be ba e kgafela morago go tšwa sefahlegong sa bona, dikhele tšohle di otlologile.

² Morwedi yo monnyane wa Kgaetšedi Downing, gomme—gomme ke mo hlokometše. Gomme yo monnyane—monnyane—monnyane... Yo monnyane wa Ngwanešu Collins... Leina la gagwe ke mang? Monnyane... [Yo mongwe o re, “Betty.”—Mor.] Betty, Betty yo monnyane. Ke bile mohuta wa go sega nthathana gannyane, go nnamong. Eupša ke bone botse bjohle, le a tseba, bjohle bo dirilwe, gomme morago go lebanya bo be bo...

³ Gabotse, šegofatša dipelo tša lena, hani, o yo mobotse, go nna, go le bjalo. Yeo ke nnete. *Bobotse*, ke—ke moyo wo mobotse wo o tla tlago gomme wa dula ka dikopanong ka mokgwa woo, le go theetsa Ebangedi. Seo ke se se dirago mosetsana yo mobotse. Gomme ke a nagana mošemane e ka ba mang wa kgonthe, yo a swanelago go nyala, o nagana selo sa go swana. [Ngwanešu Neville o re, “Amene.”—Mor.] Ke a go leboga, mohlomphegi. Seo se botse. Yo mongwe o dumelanelane le nna. Gore, yeo ke nnete. Go lokile. Ke a dumela gore yeo ke Therešo.

⁴ Bjale a seo ga se tlabe? Ke butše go otlologa thwi go Daniele 9 ge ke be ke bula Beibebe. Bjale, ka mehla ke botša yo mongwe le yo mongwe, ba se apole jase ya bona, yo a nago le lešoba hempeng ya bona, kafao ke a holofela ya ka ga e nalo. Eupša—eupša ke bone nako mo ke bego ke sa kgone go e apola, ka lešoba ka hempeng, nnete go lekanela. Gomme ke a thankya ye ga e nalo.

⁵ Bjale, oo, bakeng sa nnamong, re... gomme ke a dumela bakeng sa batheeletši, re leboga Bogona bja Moya wo Mokgethwa mosong wo.

Gomme re leboga kopanelo le bogona bja seng sa rena. “Go bose bjang, go botse bjang, go kgahlisa bjang, go baena go dula mmogo ka kopanong. Go bjalo ka oli ye bohlokwa ya go tlotša ye e elago go theoga maledu a Arone, tsela yohle go fihla merumong ya sekhethe sa gagwe.”

⁶ Ke ile godimo go ja lehono, godimo ka Blue Boar, gomme ke hweditše mang godimo kua eupša Ngwanešu Bill mo, le Kgaetšedi Dauch ba dutše kua, ba no—no ja ye nngwe ya go lebega bokaone kudu, kgogo ya go gadikwa nkilego ka e bona, gomme ba no ba le nako ya go makatša, go hlagahlaga mphufutšo thwi go tšwa go yona, le a tseba. Ke ile godimo lebatong la ka godimo gomme ke kopane le karolo ye kgolo ya kereke kua, gomme ebile ba be ba nyaka go ntefela matena. Bjale, go be go le bose ka nnete, ke leboga seo.

⁷ Ge ke fihla gae, Billy šo o tla le lepokisi la ditamati tše yo mongwe a ntlišeditšego, tsela yohle go tšwa go yela ye botse, ya go fola naga ya Georgia tlase kua, mo go fodilego tlase kua, ba a mpotša, e ka ba ka nako ye.

⁸ Ka gona, ke kopane le mothaka yo monnyane ka ntle. Ke be ke etšwa go dipoledišanongnyakišišo tša ka, morago ga sekgalela se, gomme ke etla tlase go feta kerekeng e ka ba seripa sa iri sa go feta, gomme yo monnyane . . . mohuta wa mothaka yo moswa, ka ntle, o rile . . . Ke rile, “Go a fiša.”

O rile, “Ka *nnete* go a dira!” Ke tsebile o be a etšwa Georgia, kafao o rile, “*Nnete* go a fiša tlase ka Georgia!”

⁹ Gabotse, re leka go efoga mafelo a go fiša kudu, a ga re? [Phuthego e re, “Amene.”—Mor.] Seo ke se re lego ka sona mo.

¹⁰ Ke leboga kudu, bagwera, bakeng sa botho bjohle bja lena. Ke be ke tla dira eng ntle le lena? Feela ke be ke tla dira eng—eng ntle le lena? Ge ke be ke se ne yo a nthatago, go se yo a ka theetšago Molaetša, Molaetša ohle wa ka o be o ka se loke le gatee. Nka se kgone go O rerela dipala tša mogala le mehlare. Di be di ka se o kwešiše. Kafao e swanetše go ba batho boka lena bohole, ba ba tla tlago le go o theetša. Gomme ge le etla le go dula ka go lefelo la go fiša boka le, gomme ke . . . Mosadimogatša wa ka o rile o nyakile go swa morago kua, mosong wo. Gomme go bona batho, gomme nako ye nngwe batho ba go babja, ba ba dutšego ka go tšona dikopano boka tše, Modimo o le fa le—le lebotse, legae la go ratega ka Letagong, ke thapelo ya ka. Gomme ke no holofela le go tshepa gore O tla dira seo.

¹¹ Bjale, a re boneng. Jase ya ka, yo mongwe o e tšeetše godimo mo. Gomme ke swanetše go dira go bala go gomnyane bošegong bjo. Ke ba bakae ba ipshinago ka dikarolo tša pele tša ye? [Phuthego e re, “Amene.”—Mor.] Oo, ge nkabe go be go sa fiša kudu, re be re tla no tšwelapele re eya thwi, thwi pele go kgabola beke, ka pu—pu Puku ya Kutollo. Ke no E rata. Ke no phela ka go Yona. Gomme le rapele, mohuta wa, bakeng sa ka, beke ye, gobane Lamorena la go latela ke . . . Morena ge a rata, ke swanetše go kopana le seo, go bea dibeke tše mmogo. Gomme seo ke se sengwe seo ke sa tsebego selo ka sona. Gomme kafao ke no ya go tshepa Morena gore O tla ba le karabo bakeng sa ka.

¹² Gomme ke—ke badile banna ba mmalwa ba go fapana ba—ba boletšego ka yona, ba ba ngwadilego ka yona. Ke badile dinoutsefase mo, ka Ngak. Scofield, serutegi se segolo, eupša ka nnete ga se ka kgona go dumelana le yena, ka go tše dintši tša dinoutsefase tša gagwe, gobane ga ke kgone go e bona. Moo . . . E swanetše go—e swanetše go dira seswantšho nnete.

¹³ Bjale, ge o be o eya go breakanya boka mararankodi a morabaraba mmogo, gomme selo sa pele o a tseba, o re, “Oo, le le ya godimo *mo*. Aowa, ke ne nnete le le ya godimo *mo*.” Gabotse, o swanetše go lebelela godimo mo go phethene ya gago, go bona se o se dirago. Gomme gona ge o—ge o sa dire, o tla hlakahlakanya lefelotiragalo lohle la gago.

¹⁴ Bjale go ka reng ge o be o swanetše go tšea . . . o bile le seswantšho se segolo, sa lehlakore la naga le lebotse, gomme kgomo e fula bjang ka godimo ga mohlare? Bjale, seo se be se ka se be gabotse (a se be se tla ba?), gobane ga e fula bjang godimo ga mohlare. Kafao, ke ka tsela ye go lego ge, o, Moya wo Mokgethwa o sa bee Lengwalo mmogo. Gona, o na le ka moka, seswantšho se segolo sa topollo. Ke seo re se nyakago, Therešo. Gomme go fihla re tseba Therešo, re tla e tlogela e nnoši. Gomme ka gona, ge Modimo a re fa Therešo, gabotse, gona ke tla bolela ka yona.

¹⁵ Le a tseba ke eng? Ke a thanka Ngwanešu Roy Slaughter le—le ba bangwe ba batala mo, ba ba thomilego morago mošola nako ye telele ya go feta . . . Go bile e ka ba, ke a thanka, mengwaga ye meraro goba ye mene ya mathomo ya bodiredi bja ka, thwi mo ka tabarenekeleng, ebile ke be ke sa rere ka thuto ya hele, gobane ke—ke be ke sa kgone go tseba ge eba e be e le lefelo la go fiša, goba e be e le lebitla. Gomme nako ye nngwe le ye nngwe Lentšu le boletše, *lebitla*, ke be ke hwetša photolelo, e rile, “*Haedese*.” *Haedese* ke “*lebitla*.” Nako ye nngwe le ye nngwe Le boletše ka hele, “*Haedese*, *lebitla*.” Gomme ke be ke no e tlogela e nnoši go fihla mafelelong ke hweditše kgonthe se ke bego ke bolela ka sona, nako yeo ke rerile ka hele, kafao ge ka kgonthe ke hweditše seswantšho ka moka gomme ke bone mo e bego e le gona. Gobane, ke ikwela gore modiredi o ikarabela go Modimo, se a se botšago phuthego yeo, gobane ba ya go swarelala thwi go seo. Gomme kafao, gona, go ka reng ge ke ba dirile go swarelala lefelong la phošo, gomme ka gona nako e atla moo boswaro bjoo ga bo eme? Le a bona?

Gomme ka ponong yela Morena a mphago, nako tsoko ya go feta, ge dimilione tšela . . . ge yo Motee yola a boletšego le nna, o rile, “O tla ahlolwa, pele, ka Ebangedi ye o e rerago.”

¹⁶ Ke rile, “Ke rera selo sa go swana Paulo a dirilego, le ka moka ga bona.”

¹⁷ Gomme digalontšu tšohle tše di goleditše ntle, “Re khutšitše go seo.” Yeo e be e le yona. Le a bona? Nnete.

¹⁸ Kafao ke nyaka go tšwelapele bošegong bjo, bjale, gore re se be botelele kudu. Gomme le se lebale bjale . . . Bjale, mosong wo . . . Ke ne dinoutse tše nnyane mo. Mosong wo ke boletše ka Daniele a le bothopša, Gabariele a etla go yena gomme a mo laela ka bokamoso. Seo ke se re bilego le sona mosong wo, taelo ya bokamoso.

¹⁹ Bjale, bošegong bjo, re bolela ka *Morero Momenwagatshela Wa Ketelo Ya Gabariele Go Daniele*. Lamorena la go latela, Morena ge a rata, go bea dibeke tše masomešupa, mo di lego tša gona, ka elementeng ya nako. Gomme re eme kae? Bjale, ge re ka kgona feela go hwetša seo le go dira nnete, phosithifi, gona re tla tseba feela iri ye re phelago. Bjale, re ka se tsebe O tla neng; ga go yo a tla tsebago seo. Jesu ga a e tsebe, Yenamong. O rile O be a sa tsebe. O rile feela Tate, a nnoši, o tsebile yeo. Ebile le Barongwa ga ba e tsebe. Ga go le o tee wa ren a tsebago O tla neng, eupša re kgona go bolela iri—iri gore . . . nako ye re phelago, go tsebeng feela ka fao re kgonago go ba kgauswi.

²⁰ Bjale, bakeng sa go lepelelela go gonnnyane, gobane bašemane ba tšeа ditheipi tša wo . . . Metšhene e a kgatlampana morago ka kamoreng. Gomme ditheipi, nnete, di romelwa ntłe, mogohle.

²¹ Bjale, thuto ya mosong wo, morago ga ge re lekotšemorago morago go tema ya 4 le ya 5, morago re rathile ma . . . go thoma ka tema ya 9 ya Daniele. Gomme bjale, bošegong bjo, re tšwelapele ka tema ya 9. Pele re e batamela, a re inamišeng dihlogo tša ren a nakwana le go bolela le Mongwadi wa Lentšu.

²² Modimo wa ren a wa mogau, re ne nnete gore O tseba wona maikešišto a pelo. O a tseba gabaneng re le mo. Gomme O a tseba gore ga se ra tsoge ra tla bošegong bjo feela ka gore re naganne e tla ba lefelo le lebotse go tla, go tšeа go thekga ditho go gonnnyane bakeng sa morago ga sekgalela. Tate, ga ke dumele go ne motho yo motee mo bakeng sa morero woo. Ke a dumela gore re mo bošegong bjo gobane re hlokoftše wa go hwa, go botega, gomme re nyaka go tseba O RIALO MORENA.

²³ Re a Go rata, Morena, gomme re rata Lentšu la Gago. Gomme ge lefelo le leo O re filego lona, feela hlaka ka godimo ga hlogo ya ren a, gomme diploko tše tša khonkhoriti, re Go leboga bakeng sa lefelo. Gobane, re a dumela gore go ne Legae mošola wa lefaufau, mo re lebantše go ka tsela yeo. Gomme re a nagana botatemogolo ba ren a ebile ba sego ba ba le monyetla wo, gomme go re dira re inamiše dipelo tša ren a dihlong, Morena, ebile le go ka belaela.

²⁴ Bjale, Tate, re a rapela gore O tla re bulela, bošegong bjo, Lengwalo. Etla, sepela go bapa, ka lehlakoreng la yo mongwe le yo mongwe wa ren a, ge re eya go theoga tsela ye bošegong bjo. Bolela le ren a boka O dirile bale ba bego ba eya Emause, go tšwa Jerusalema. Gore, ge tirelo e fedile, bošegong bjo, re ka ya magaeng a ren a go fapania le go re, "A dipelo tša ren a ga

tša swa ka gare ga rena ge re Mo kwele a bolela ka Lentšu la Gagwe!"

²⁵ Šegofatša palo. Šegofatša matsapa a ka a go fokola, Morena. Bula molomo wa ka go seo e lego therešo, gomme o tswalele go seo e lego phošo. Gomme hwetša letago go Wenamong, le letago ka go batho ba Gago, gore ba ke ba bone iri ye re e phelago le go Tla ga kgauswi ga Morena Jesu. Gobane, re e kgopela ka go Leina la Gagwe—la Gagwe, Leina la Jesu Kriste. Amene.

²⁶ Bjale, go lepelelela morago go Mangwalo a rena dinakwana di se kae, re hwetša gore Daniele o be a le ka bothopša lebaka la mengwaga ye masometshela seswai ye metelele. Naganang ka yona! Bjale, wena, le pampiri ya gago le phensele, ba le sego la e hwetša mosong wo, le ka e topa bošegong bjo. Go tloga A.D. 606 go fihla 538. Ntšha 538 go tloga go 606, le na le mengwaga ye masometshela seswai Daniele a bilego ka... bothopša; go se kereke go ya go yona, go se dithero go di kwa, go se selo. Eupša o be a ne dipuku tsoko, disekrolo tsoko, tšeō moprofeta pele ga gagwe a profetilego, gomme e be e le—e be e le Jeremia.

²⁷ Bjale, ge a be a ithuta Mangwalo, o bone nako e be e fela, gore nako ya mengwaga ye masomešupa... Gomme Daniele ka potego o dumetše lentšu le lengwe le le lengwe leo Jeremia moprofeta a le boletšego. Gomme ke re go ye, go ttelase ya ka bošegong bjo: A re swanetše go dumela baprofeta ba rena? [Phuthego e re, "Amene."—Mor.] Ee, mohlomphegi. Gobane, Lentšu la Morena le tlie go baprofeta. Ba na le O RIALO MORENA. Gobane moprofeta wa therešo a ka se tsoge a fapana go tloga go le—le lentšu la moprofeta yo mongwe. Ba ka se tsoge ba Le dira le bolele se sengwe se Le sa se bolelego. Ba tla bolela feela tlwa se moprofeta wa therešo a se boletšego. Seo se ba dira moprofeta. Ka gona ge ba hwetša leo, gomme ka gona ba bolelapape se se tla tlago, go tsebeng se, ka poifo ka pelong ya bona, go sego bjalo ba tla bolela se sengwe sa phošo gomme se tla iša yo mongwe go hlahlatha. Ga re tsoge ra nyaka go dira seo. Re nyaka go ba le nnete ka go felela gore re ne Lentšu la Morena pele re ka re O RIALO MORENA. Le a bona? E swanetše go ba wa gomangkanna, molaetša thwi go tšwa Teroneng ya Modimo, goba ga ra swanela go tsoge ra e bolela.

²⁸ Bjale, ge a be a sa ithuta Mangwalo, o bone gore mengwaga ye masomešupa e be e fela. Kafao, yena a bile kua mengwaga ye masometshela seswai, go be go šetše mengwaga ye mebedi ka moso go fihla Modimo a be a tla bušetša batho ba Gagwe morago go nagalegaa ya bona.

Ge a sa le ka thapelong, re hwetša gore go bile Morongwa yo maatla a tliego go tšwa Legodimong. A yo mongwe a ka bitša leina la Gagwe? [Phuthego e re, "Gabariele."—Mor.] Gabariele. Gomme Yena ke Morongwa go kereke ya Bajuda. Ke ba bakae ba tsebago seo? Mogohle, ke Gabariele. Gabariele ke motseta go

kereke, kereke ya Bajuda; o tlie go Maria; O tlie go Sakaria. Ka mehla, ke Gabariele. Gomme Yena ke yo mongwe wa Barongwa ba bagolo ba Legodimo. Gomme a Yena ga se a tlišetša Ngwanešu wa rena Daniele madume a go makatša bjalo go tšwa go Modimo! “Oo, Daniele, moratwa gagolo!”

²⁹ A seo se be se ka se go dire gabotse, go nagana gore Modimo o go ratile? Ge ke be ke se ka ratwa gagolo, ke be ke tla no rata go tseba gore ke mohuta wa go ratwa nthathana gannyane godimo Kua, a o be o ka se ke? [Phuthego e re, “Amene.”—Mor.] Nnete. E no ba mohuta . . . O nagana ka nna, gatee mo lebakaneng, go tla no ntira ke no nyaka go goelela, go nagana gore ebile O a ntlhokomela. Gomme re ne netefatšo gore O a re hlokomela, gobane, “Mola re sa le badiradibe, Kriste o hwile legatong la rena,” ngwanešu. Gomme, bjale, moo re bego re le badiiledi go tloga go Modimo, bjale o re batameditše go Modimo gomme o re file kgonthišetšo ya phološo ya rena, ke gore, Moya wo Mokgethwa. Gomme ka tumelo ka kua yeo e re phagamišetšago godimo ka godimo ga dilo tša lefase, gomme re sesa ka ntlhoreng ya lona. Ke letago. A ga se lona? [“Amene.”] Go lokile.

³⁰ Ge a sa le ka thapelong, Gabariele a tla le go mmotša gore go be go se mengwaga ye mebedi gape feela pele ba be ba boela morago nagalegaeng, eupša o mmoditše bofihlo ka moka bja setšhaba seo. Naganang ka yona! Bofihlo ka moka, leeto le lengwe le le lengwe la lefase, Gabariele o le hlalošitše go Daniele. O rile O be a romilwe go botša Daniele selo se segolo se. Ka mokgwa woo moprofeta yoo a swanetšego go be a ile a ikwela! Gomme O mmoditše gore go be go le dibeke tše masomešupa di beetšwego godimo ga batho, go fihla pheletšong; bjoo ke bofelo bja nako, kafao go fedile, pheletšong. O rile, “Go ne dibeke tše masomešupa.”

³¹ Ba bangwe ba bona ba dumelala seo go dikgwedi, ba bangwe go matšatši, bangwe . . . Huh! Ge gabotse e no ba dibeke, go ne feela e ka ba ye mebedi le kotara ya ngwaga, goba o motee le kotara ya mengwaga ya wona. Gomme, le a bona, o . . . Moo ke mo re swanetšego go hwetša, go ba therešo.

³² “Dibeke tše masomešupa di beetšwe batho ba geno.” Bakeng sa morero ofe? Bakeng sa eng? Di beetšwe go batho ba gabon mang? Batho ba gabon Daniele, Bajuda. Gomme e beetšwe eng? E sego feela go Daniele, eupša godimo ga toropokgolo ye kgethwa ya gabon Daniele; le a bona, toropokgolo ye kgethwa ya gabon Daniele. Bjale, tlelase, toropokgolo ye kgethwa ya gabon Daniele e be e le eng? [Phuthego e re, “Jerusalema.”—Mor.] Jerusalema.

³³ Gomme bjale re ya go tšea, mohlomongwe go tla go yona bošegong bjo: Jerusalema e be le kae? Ke mang a thomilego Jerusalema? A le kile la nagana ka yona? Ke mang a thomilego Jerusalema? E thomilwe ke mang? Re ya go tla go yona, morago ga lebakana. Ke mang a thomilego Jerusalema? Mošemane, ke

selo se sennyane sa nthathana se utilwe morago ka khoneng, eupša ka nnete E a e bolela. Ee, mohlomphegi. Ke mang a thomilego Jerusalema, gomme e thomile neng? Go lokile. Gomme yeo ke toropokgolo ye kgethwa ya gabu Daniele.

³⁴ Gomme re a kwešiša gore toropokgolo yela, yeo bjale e billego thogako lebaka la mengwaga ye dikete tše pedi, e tla agwagape le go hlongwagape gape. Gomme borapedi bja tempele bo tla beakanywa boka bo be bo le mathomong. Yeo ke nnete. Jerusalema e tla ba, bjale, gomme go tla ba sehlabelo, moneelo wa tšatši ka tšatši o neelwa gape go no swana le ge go be go le mathomong. Re tlie go ya ka go bogologolo bja seo, ke a thanka, bošegong bjo, goba bontši bja sona.

³⁵ Bjale ke le nyaka le tsebe, bagwera, gore, go ratheng go dilo tše, ka nnete ke tlogela ntle dibeke tša go ruta. Eupša feela mohuta wa go e itia, gore ge boso bo fola, goba moragonyana gannyane, ge re tsena ka go Mahuto ale a Šupago, Meruswi ye e Šupago, Diphalafala tše di Šupago, dilo tšohle tše, gore ke kgone go šupa morago le go re, “A le a elelwa ka go dibeke tša masomešupa tša Daniele? A le elelwa lebaka la Kereke, ge le ile godimo, le se se diregilego?” Gomme dibeke tše tše masomešupa tša Daniele di akaretša go tloga go yeng godimo ga Kereke go fihla go tleng morago ga Kereke. Go akaretša sekgala seo. Bjale, bjale, e sego dibeke tše masomešupa tšohle tša Daniele; karolo ya yona. “Dibeke tše masomešupa di beilwe.”

³⁶ Bjale, go be go le morero momenwagatshela ka go ketelo ya Gagwe, go mmotša se se bego se eya go tla go phethega. Bjale, go be go le morero momenwagatshela wa go tla ga Gagwe. Bjale, bošegong bjo, ke a nagana re tla tloga godimo mo ka go Lengwalo la moo re bego re le mosong wo, moo gore go be go le morero momenwagatshela. Ke rena ba. Bjale re a hwetša gore go be go le morero momenwagatshela, o tee wa wona. Bjale a re hwetšeng ya . . . -bone tema, ya . . . -bone temana . . . temana ya 24 ya tema ya 9 ya Daniele.

Gomme dibeke tše masomešupa di beetšwe godimo ga batho ba geno . . .

Bjale elelwang, ke tšohle tše leeto la Baisraele le tla bago ka lefaseng le. Ba beetšwe. Dibeke tše masomešupa di nno bewa. Ke tšohle tseo di beetšwego Bajuda.

. . . godimo ga batho ba geno le godimo ga toropokgolo ye kgethwa ya geno, . . .

Kagona, dibeke tše tše masomešupa, bjale le se e foše, e tla utolla go tloga nako yeo go fihla bofelong bja Bajuda, le gape go fihla bofelong bja Jerusalema, go fihla go tla ba toropongkolo ye mpsha e agilwe. Bjale, oo, ke a holofela re tsena ka go yona, botse ka kgontha le go teba bošegong bjo.

...di beetšwe godimo ga batho ba geno le godimo ga toropokgolo ye kgethwa ya geno, . . . (Go dira eng?) . . . go fediša dikarogo, . . .

³⁷ Ke eng A mmoditšego sona bjale? O be a leka go hwetša go ya go ba botelele bjo bokae. “Ke a tseba re nakong ya bofelo.” Boka re le bjale, “Morena . . .”

³⁸ Ke ba bakae ka tlelaseng ye, bošegong bjo, ba dumelago gore re nakong ya bofelo? E reng, “Amene.” [Phuthego e re, “Amene.”—Mor.] Ke a le leboga. Re bofelong. Bjale re leka go hwetša, ka Modimo, go ya go no ba botelele bjo bokae. Re phela letšatsing lefe? Ke ka baka leo re ya morago go topa baprofeta ba, le go ya pele, le go leka go hwetša mo re lego.

³⁹ Gomme ke seo Daniele a se dirilego. O beile sefahlego sa gagwe go Modimo. Ke ba bakae ba badilego Daniele 9 lehono? Phagamišetšang diatla tša lena godimo. Go lokile. Le bona thapelo ya gagwe, ka fao a dirilego boipolelo bja gagwe bja batho ba gagwe, le boipolelo bja gagwe yenamong. O be a nyaka go ba le nnete gore o hweditše ba be ba eya go boela morago neng, gobane o be a nyaka go bea batho komana go boela morago.

Bjale, se ke lekago go se dira, ke go hwetša re ya neng godimo, le go bea batho komana go ya godimo, ba ba bego ba le komana. Gomme re beile sefahlego sa rena go Modimo, ka dithapelo le boipobolo, go hwetša, “Morena, ke iri efe re phelago ka go yona?”

⁴⁰ Re bone dilo tšohle tše tša go fapana di direga; re bona lefase ka mpilobilong. Re bona nako e le kgauswi. S- . . . mongwalo wa seatla o godimo ga leboto, se sengwe le se sengwe se Modimo a se boletšego. Re kwa Mopresidente wa rena a bolela ka ntwa ye nngwe, e tlago gonabjale. Re kwa kakanyetšopele, “Mo, oo, mo diiring di se kae morago ga ntwa, go akanyeditšwepele gore ditšhaba di ka se be selo eupša lerole la bolekheno.” Re a tseba re na le yona.

Kafao re a tseba, pele seo se direga, Kereke e swanetše go sepela. Kafao, “Morena, re mo kae?” Ke lebaka leo ke dumelago gore O tla re dira re tsebe. Re bea difahlego tša rena go hwetša. Bjale, pele, a re hwetšeng.

Dibeke tše masomešupa di beetšwe godimo ga batho ba geno . . . motse wo mokgethwa wa geno, go fediša karogo, . . . go dira bofelo go sebe, le go tliša dipuelano bakeng sa bokgopo, . . . go tliša toko ya gosafelego, . . . go tswalela pono le seprofeto, le go tlotša Sekgethwakgethwa.

⁴¹ Woo e be e le morero momenwagatshela wa ketelo ya Gabariele.

⁴² Bjale a re thomeng, nomoro tee. Ge le nyaka go e maraka, lena bao le nago le diphensele. Nomoro tee, “Go fediša karogo,” seo ke selo sa pele. Bjale, go fediša karogo ya Israele,

yo a arogilego kgahlanong le Modimo, o tla be a tlogela gohlokamodimo ga Jakobo.

Bjale, go hwetša ye, a re phetleng go Baroma. Tema ya 11 ya Baroma, gomme go thoma ka temana ya 21 ya Baroma 11. Bjale re ya go eng? “Go fediša dikarogo.” Baroma 11:21. Go lokile.

*Gobane ge Modimo a sa ka a tsebafa tlhago lekala, . . .
(E bego e le mang? Israele.) . . . go hlokomela e sego
fao . . . go se le tsebafe le lena.*

Bjale, ke le nyaka, ge le eya gae, le bale tema ye ya 11 ka moka. Ke no bala ye gore . . . Marakang tema ya 11 ka moka, gomme le e bale.

. . . se le tsebafe.

*Kagona bonang bobotse . . . bogale bja Modimo:
godimo ga bona ba ba welego, . . . eupša go lebana le
wena, bobotse, ge o tšwelapele ka go bobotse: go sego
bjalo o . . . tla ripša, le wena o tla ripša.*

*Gomme le bona, ge ba sa dule ka gose- . . . ge ba sa ntše
ba sa dule ka gosedumeleng, ba tla hloemesetšwa ka gare:
gobane Modimo o kgonia go ba hloemesetša ka gare gape.*

Le a bona, a bolela gore go tla ba nako yeo ge Bantle ba tla ripša, gomme Israele ya tla morago ka gare gape.

*Gobane ge o be o ripilwe go tšwa go—go mohlare wa
mohlware e lego wa lešoka ka tlhago (Bantle), gomme o
ile wa hloemesetšwa go fapania le tlhago . . .*

Re be re fapania le tlhago, badiiledi, ntle le kgaogelo, ntle le Modimo, ntle le kholofelo le gatee. Gomme Modimo, ka kgaogelo ya Gagwe, go re fa sebaka, o ripile Israele ya go loka ka baka la dikarogo, gomme a ba beela ka thoko, wa leš . . . mohlare wa mohlware wa gae, gomme a tliša ka gare mohlare wa mohlware wa lešoka, go fapania le tlhago.

*. . . go ya go botse . . . mohlare: ke gakaakang a a tla,
e lego makala a tlhago, a tla hloemesetšwago ka go
mohlare wa mohlware wa bona beng?*

Go lokile, a re baleng go ya pele.

*Gobane ga ke rate, baena, gore le hloke tsebo ya sephiri
se, gore le se be bohlale ka kgopolo ya lena beng; gore
bofofu ka seripa sa go direga sa Israele, bo diregile go
Israele, go fihla motlalo wa Bantle . . . o etla ka gare.*

⁴³ Go fihla Modimo a feditše ka Bantle, Israele e be e foufaditšwe. Ba fapogetše ka sebeng le dikarogong kgahlanong le Modimo, gobane Modimo o foufaditše mahlo a bona, gore re ke re hloemesetšwe ka gare. Le a e hwetša? [Phuthego e re, “Amene.”—Mor.] temana ya 26 bjale.

Gomme kafao Israele e tla phološwa yohle: . . .

⁴⁴ Modimo o ba foufaditše ka morero bakeng sa gago le nna. Ga ba kgone go bona, gobane Modimo o ba foufaditše. Gomme Israele yohle, Israele ya therešo, e tla phološwa. Morongwa o rileng? Letago! “Go fetša karogo ya Israele! Ke tlide go le botša gore go tla tla nako ge karogo ya Israele e tla fedišwa.” Modimo o tla ripa lekala lela la lešoka, gomme a hlomesetše ka go woo, morago, lekala lela la kgonthe gape.

⁴⁵ Oo, dinako tše dingwe go dira pelo ya ka e taboga, go bona bona ba go šokiša, batho ba go nyamiša ba ripša mošola, ba sa tsebe mo ba yago; le go nagana gore Modimo, ka kgaogelo ya Gagwe, o dirile seo gore ke kgone go phološwa. Foufaditše mahlo a bona go tloga go Mesia wa bona beng, tswaletše ditsebe tša bona gore ba se kgone go Mo kwa; efela, ba lebeletše thwi go mehlolo ya Gagwe, gomme ba lebeletše thwi go mehlolo ya Gagwe le dilo tše A bego a di dira.

⁴⁶ Mateo, ke a dumela, tema ya 12, goba ya 8 goba tema ya 12, e rile, “Le ge Jesu a dirile mehlolo ye mentši kudu, efela ga se ba kgona go dumela.” Gobane, Modimo o rile, “Ba ne mahlo gomme ga ba kgone go bona, le ditsebe gomme ga ba kgone go kwa; ge e se ge ba ka bona ka mahlo a bona le go kwa ka ditsebe tša bona, gomme Ke tla ba fetola.” Eupša, gore re kgone go ba le sebaka, O gogetše garetene fase godimo ga mahlo a bana ba Gagwe Mong, a raka bana ba Gagwe Mong go tloga tafoleng, le go ba raka go tloga go ya go go ota ga Moya, gore A ke a hwetše . . . gore re ke re be le sebaka sa go phela, go re feng Bophelo. Temana ya 26, gape.

*Gomme kafao Israele yohle e tla phološwa: bjalo ka
ge go ngwadilwe, Molopolodi o tla tla go tšwa Tsione,
gomme o tla tloša gohlokabomodimo go tloga go Jakobo:*

⁴⁷ Ee, O tla tla Thabeng ya Tsione, le lengwe la matšatši a. Godimo ga Thaba ya Mehlware, ba tla Mo lemoga, gomme Israele yohle e tla tseba ke Yena. Bantle ba tla be ba fedile nako yeo. Lekala lela leo le hlomeseditšwego ka gare, Modimo o tla tše kenywa ye e kgobetšwego go tšwa go lona. Gomme lekala lela la lešoka le tla . . .

⁴⁸ Gomme bjale elelwang, pele morago mo ge le bala, O rile, “Ge medu yela e be e le ye mekgethwa, gomme medu yela e be e le Modu wo mokgethwa, gape kenywa ye e tšwelelago go tšwa go Modu wo mokgethwa wola o tla tšeletše kenywa ye kgethwa.” Gomme ge Modu wola e be e le Jesu Kriste, Yo a lego bobedi Modu le Lehlogedi la Dafida; ge Bophelo bjola bo be bo le ka go Yena, bo tlidego godimo ka moloko wa Bajuda gomme bja ripša go tloga go bona, gomme mahlo a bona a foufatšwa gore re ke re bone, maphelo a rena a tla swanela go phethena le Lekala lela la go šegofala. Oo, ee, ngwanešu. Yeo ke nnete.

⁴⁹ Modimo o ba ripile, ka morero, le go foufatša mahlo a bona gore re kgone go ba le sebaka go bona, a re fa sebakabotse. Gomme re sepela tikologong mo o ka rego ke rena yo mongwe.

Paulo o ba boditše mo, "Hlokamelang, ka mo le dirago seo. Hlokamelang! Gobane ge Modimo a se a tsebafa lekala la tlhago, A ka ba bjang le kgaogelo e ka ba efe gape go lekala la lešoka leo le šetšego..."

Kafao re sepela tikologong, re re, "Ke nna Mopresbyterian! Ke nna Momethodist! Ke nna Mobaptist! Ke nna Mopentecostal!" Seo ga se re selo go Modimo. O swanetše go tswalwa gape ka Moya wo Mokgethwa wola wo o tšwago Modung. Eupša O a tla...

⁵⁰ Bjale, elelwang, ga A bolele ka Montle. Ke no lahlela se ka mo gore le bone moo Bantle ba nago le sebaka sa bona.

⁵¹ Eupša, O tla "go fediša karogo," go e fetša. Bjale, ge re eya morago ka go Daniele gape, gomme re tla hwetša gore ka go Daniele, re a hwetša mo, temana ya 24. Go lokile. "Go fediša karogo." Go fediša eng? Go fediša karogo ya Israele.

Go aroga ke eng? Ke go ya kgahlanong le se sengwe. Karogo kgahlanong le nna, ke go dira phošo go nna. Karogo kgahlanong le wena, go dira phošo go wena.

Kafao, Israele e dirile phošo go Modimo. Gomme ka go beke ye ya bomasomešupa, go ya go direga eng? Modimo o ya go fediša karogo ya Israele. "Fediša karogo," e tla ba, "go tloša gohlokabomodimo go tloga go Jakobo." Gomme nako yeo Israele e tla tswalwa gape. Bona bohole ba tla amogela Moya wo Mokgethwa.

Bjale, nomoro pedi, ngwala yeo fase godimo ga pampiri ya gago.

⁵² Re ka kgona go dula nako ye telele go yeo, eupša ga ke nyake go ya go rera ka yona. Ke nyaka feela go sepelela go wena, gore le kgone go e hwetša fase kgauswi. Ge re tsena ka go Mahuto a a Supago a, gona le tla no sepela thwi go ya pele go kgabola Kereke, go kgabola Mahuto, go kgabola Dikotlo, le go tseba moo re emego. Go lokile.

⁵³ Nomoro pedi, "Go dira bofelo go dibe." Bjale a re baleng gape, Daniele.

...go fediša...karogo, le—le go dira bofelo go dibe,...

Woo ke morero wa bobedi wa Gagwe wa go tla. Pele, ke go fediša karogo ya Israele; le go dira bofelo go dibe. Israele e dirile sebe kae? Ba dirile sebe sa bona sa go šiiša kae? Ba ikarogantše kae go tloga go Modimo bonabeng?

⁵⁴ Bjale theetšang sekgauswi. A re phetleng go Mokgethwa Mateo 24. Gomme mo ke moo Israele e dirilego phošo ya gagwe ya go šiiša. Mo ke moo a dirilego sebe sa gagwe sa mafelelo, gomme ke lebaka le a lego ka seemong lehono. Mateo, tema ya 27 ya Ebangedi ya Mokgethwa Mateo, gomme temana ya 25 ya tema ya 27. A re thomeng e ka ba te—te temana ya 21.

Mmuši a araba gomme a re go bona, Le rata ge ke le lokollela mang go ba babedi ba? Gomme ba rile, Baraba.

Bjale elelwang, yeo ke Israele. “Baraba!”

Pilato o rile go bona, Ke tla dira eng . . . ka Jesu yo a bitšwago Kriste? (Ba theetšeng!) Bohle ba rile go yena, A a bapolwe.

Elelwang, yoo ke Mesia wa bona yoo Daniele a rilego o be a tla tla. Elelwang mosong wo, ka go thuto mo, “O tla ripša, e sego bakeng sa Gagwemong,” ga go selo A se dirilego.

...A a bapolwe.

Gomme mmuši o rile, Gobaneng, ke bobe bofe a bo dirilego? Eupša ba goeleditše ntle go fetiša, ba re, A a bapolwe.

Ka gona Pilato a bona gore o be a sa kgone go fenya selo, eupša . . . le gale lešata le be le dirwa, gomme o tšere meetse, le go hlapa diatla tša gagwe pele ga lešaba, a re, ga ke ne molato wa madi a motho yo wa moloki: le a bona . . . go wona.

⁵⁵ Theetšang! Phošo ya bona še. Sebe sa bona sese.

Ka gona ba araba . . . batho, gomme ba rile, madi a Gagwe a be godimo ga rena, le godimo ga bana ba rena.

⁵⁶ Moo ke mo ba e dirilego. O be a dira bofelo bja sebe bakeng sa bona. O be a ka kgona go dira e ka eng gape eupša go ba lebalela, go tsebeng gore O be a foufaditše mahlo a bona, gore re kgone go tsena ka gare? Go swana le ge bana ba Gagwe Mong ba nyakilego Madi a Gagwe. Gomme ba be ba foufaditšwe, gomme O tsebile ba be ba foufaditšwe. Ke ka baka leo A lletšego tebalelo bakeng sa bona. “Ba lebalele, Tate, gobane ga ba tsebe se ba se dirago.” Ba be ba foufetše. Bakeng sa rena ba be ba dirilwe difofu. Ka gosedumeleng ga bona ba dirile se. Eupša ge ba Mmona gape . . . Amene!

⁵⁷ “Go bea bofelo go sebe.” Sebe ke eng? Gosedumele. Ga se ba ke ba dumela yoo e be e le Mesia. Ga se ba kgona go Mmona go ba Mesia, efela O dirile leswao le lengwe le le lengwe Mesia a bego a swanetše go le dira. Eupša ga se ba kgona go le bona. Ba be ba foufetše.

⁵⁸ Kafao ge o bona batho ba re, “Ga ke dumele ka go phodišo Kgethwa. Ga ke kgone go e bona. Ga ke kgone go bona kolobetšo ye ya Moya wo Mokgethwa.” O se ba befelele; ba foufetše. Ba re, “Ga ke kgone go bona Molaetša wo wa go Tla ga Gagwe. Ga ke kgone go bona kolobetšo ye ya Moya wo Mokgethwa. Ga ke kgone go bona peu ya sephente. Ga ke kgone go bona selo se.” Ba foufetše, gomme ga ba e tsebe. E no ba rapelela. Go lokile.

⁵⁹ Ka gosedumeleng ga bona; eupša, ge ba Mmona, ge A etla gape, go tla dira bofelo bja gosedumele ga bona. Oo, nna! A re

phetleng pele go Genesi ya 25, tema ya 45, gomme re hwetše se—se seswantšho sa yona. Ke e ngwadile fase mo, ya Genesi 45, lena bao le ngwalago dinoutse. Oo, ke rata Ebangedi ye botse ya kgale bjang! Go lokile. Bjale re tseba mo re bego re le.

A le kgona go nkwa gabotse, ka morago ga moago? Phagamišetša seatla sa gago godimo ge o kgona go kwa. Ke na le ye e dutšego kgauswi gannyane.

⁶⁰ Bjale re ya go bala karolo ya Lengwalo le. Ke le nyaka le theetše, lena le se nago Beibele. Lena ba le nago le Beibele ya lena, ke Genesi. Sa pele, a re thomeng ka go tema ya 44, go thoma ka temana ya 27.

⁶¹ Ke Josefa, gomme Josefa e be e le sekai sa go phethagala sa Kriste. Re tseba seo. Ke ba bakae ba tsebago seo? [Phuthego e re, "Amene."—Mor.] Hloilwe ke bana babo (Gobaneng?) gobane o be a le wa semoya, o bone dipono, a hlatholla ditoro. O be a le monna wa semoya magareng ga baena ba gagwe, gomme ba be ba mo hloile. Gomme tatagwe o be a mo rata.

Kafao Jesu o be a hloilwe ke dikereke tša kerekelaina, eupša a ratwa ke Tate wa Gagwe Modimo. Gobaneng ba be ba Mo hloile? Gobane O be a le wa moyo. Gobane . . . Ba boditše, ba rile O be a le mmolelelamahlatse, diabolo.

⁶² Le elelwa se bana babo Josefa ba se boletšego go yena? "Molori šo o etla." Le a bona? Le a bona, selo sa go swana. Gomme ba rekišitše Josefa ka poreisi ye e nyakilego go swana yeo Judase a rekišitšegeo Jesu, diripa tše masometharo tša silibere. [Ngwanešu Branham o kokotile makga a mmalwa godimo ga phuluphithi—Mor.] Ba mo lahletše ka moleteng, gomme ba ile le go botša tate gore se sengwe se mmolaile, o be a hwile. Eupša o ntšhitšwe go tšwa moleteng. Kriste o lahletšwe ka moleteng, gomme o tšeetšwe godimo. Gomme go tloga fao o ile lefelong la godimodimo le lego lefaseng. Amene! Josefa o ile seatleng se setona sa Farao; gomme Jesu o ile seatleng se setona sa Modimo. Ka molekong wa gagwe, pele ga go phagamišwa ga gagwe. . . . Jesu, pele A phagamišwa, o ile go kgabola moleko.

⁶³ Gobaneng, ke a dumela e bile Billy Sunday, moebangedi yo mogolo, o rile, "Wo mongwe le wo mongwe—mohlare wo mongwe le wo mongwe o bile le milione wa Barongwa ba dutše ka go wona, letšatši lela la papolo, o rile, 'E no goga seatla sa Gago go lokologa gomme o šupe go rena. Re tla fetola lefelotiragalo le go dikologa mo.'" Eupša ga se A kgona go e dira.

⁶⁴ Kayafa o rile, "O pholosítše yenamong; ba bangwe ga a kgone go ba pholosa." O be a sa tsebe o be a lefa tshwayo. Ge A ka be a ipholosítše Yenamong, O be a ka se kgone go pholosa ba bangwe. Kafao, O ineetše Yenamong, go pholosa ba bangwe. Le a bona, go fousfala kudu go tšwa go yona. Bjale ba . . .

⁶⁵ Ka gona ge a be a le fao go phagamišweng ga gagwe, goba, pele ga go phagamišwa ga gagwe, moleko wa gagwe. . . . Elelwang,

Josefa o ile a bewa ka kgolegong gobane o be a se ne molato. Moroma, goba...

⁶⁶ Mojenerale wa Baisraele, ka leina la Potifaro; Potifaro o ile, gomme o ile kgole leetong. O be a ne mosadimogatša yo mobotse, gomme mosadimogatša wa gagwe o dirile Josefa go tla ka ntlong go dira se sengwe, gomme a leka go dira Josefa a dire se sengwe sa phošo. Gomme o be botega go Modimo. Ke a le botša, ka mehla ba...

⁶⁷ Lena basadi, ke le hlabetše lešata; bjale ke yo go le tšeatšea, motsotsso. Le a bona? Mosadi ke sebjana sa mofokotšana. Ke a tseba go ka se kgone go ba monna yo mobe pele go ka ba mosadi yo mobe. Eupša banna ba ba tsebago seo, banna ba ba tsebago gore o morwa wa Modimo, gomme o gaba mosadi, dihlong go wena; ga go kgathale se a se dirago. Ke sebjana sa mofokotšana, gomme le tseba seo. Ge a eya ka ntle, a dira ka mokgwa wo e sego wa sehumagadi, mo tšee ka seatla gomme o bolele le yena bjalo ka kgaetšedi. O morwa wa Modimo. O se ke wa dira tšona dilo tše mpe. Lebelela Josefa, o be a le mohlala go wena.

⁶⁸ Gomme ge mosadimogatša wa Potifaro, mosadi yo mobotse yo, wa go hlomphega, wa godimodimo, yo mongwe wa basadi ba godimodimo ba bego ba le ka nageng, o mo kgopetše le go mo phegelela. Gomme o retologile, gomme o mo swere gomme a leka go mo gokarela godimo go yena. Gomme a thuhlula go fihla ebile a hlobola jase ya gagwe, gomme a tšhaba go tloga go yena. Ee, mohlomphegi. Gomme ge a etla ka gare, ba boletše maaka ka yena, o rile o be a tlide go mo kata, gomme o tlogetše ya gagwe... gomme o tlogetše jase ya gagwe fao. Gomme bakeng sa seo o ile kgolegong. Eupša, ka kgolegong, Modimo o be a na le yena, ga go kgathale mo ba mmeilego.

⁶⁹ O be a le sekai sa Morwa wa katlego. Se sengwe le se sengwe Josefa a se dirilego se atlegile. Gomme ge Jesu a bowa ka Mileniamong, ke ka baka leo maganata a tla khukhuša bjalo ka rosa. Se sengwe le se sengwe A se dirago se tla atlega. Ke Yena Morwa wa katlego. Kae kapa kae o beilego Josefa, go be go šegofala. Kae kapa kae Jesu a lego, go a šegofala. Kafao, Mo tliše ka pelong ya gago gomme o šegofale.

⁷⁰ Kafao re a hwetša bjale, gore, Josefa nako yeo o beilwe ka kgolegong. Gomme ka kgolegong go be go le banna ba babedi; gomme yo motee wa bona o lahlegile, gomme yo motee o pholosítšwe. Jesu, ka molekong wa Gagwe sefapanong, lehodu le tee le lahlegile gomme le lengwe le pholosítšwe.

⁷¹ Ge A phagamišitšwe, O ile go seatla se setona sa Modimo. Ge Josefa a phagamišitšwe, o ile go seatla se setona sa Farao, gomme ga go motho a bego a kgona go bolela le Farao ntle le go bolela le Josefa pele le go hwetša tumelelo.

Gomme ge Josefa a be a tlogela paleisi...Oo, nna! [Ngwanešu Branham o phapha diatla mmogo gatee—Mor.] Ge

Josefa a be a tlogela paleisi, diphalafala di be di galagatšwa, gomme banna ba be ba kitima pele ga gagwe, ba re, "Kobang letolo! Josefa o atla!" Amene!

Gomme ge Jesu a tlogela seatla se setona sa Bogoši godimo, diphalafala di tla galagala. Gomme letolo le lengwe le le lengwe le tla kobega, gomme leleme le lengwe le le lengwe le tla bolela, "Jesu O etla!" Nnete! Eupša ge...

⁷² Gomme, elelwang, ge a gannwe ke baena ba gagwe, o dirile eng? O hweditše mosadimogatša wa Montle; o hweditše mosadimogatša wa Moegepeta. Ge Jesu a ripilwe go tloga go baena ba Gagwe morago kua, Bajuda, O nyetše Monyalwa wa Montle. Eupša bjale, morago ga mengwaga, morago ga ge bana ba tswetswe, Efuraimi le Manase, o bile le lapa.

⁷³ Ka gona, letšatši le lengwe, baena ba gagwe ba ttile go mo etela. Šetšang. Re tseba kanegelo, kafao a beilego selo se sennyane ka kua, go romela morago. Gomme a dira mo o ka rego o be a sa kgone eibile go bolela polelo ya bona; o bile le mohlatholli, bakeng sa Sehebere, ge a be a le Mohebere yenamong. Gomme ngwana wa bo bona o be a ttile tlase. Ba be ba sa mo tsebe. O be a le mokgoma yo maatla.

Gomme gonabjale, Kriste o etela Bajuda, o fodiša balwetši ba bona le dilo, gomme ba sa ntše ba sa tsebe ke Yena Mang, Mesia yola.

A re thomeng go temana ya 27 ya tema ya 44.

*Gomme mohlanka wa gago tate wa ka o rile go rena,
Le a tseba gore mosadimogatša wa ka o mpelegetše—
mosadimogatša wa ka o mpelegetše barwa ba babedi:*

*Gomme yo mongwe wa bona o ile ntle go tloga go
nna, . . .*

Yoo e be e le Josefa, yena yo ba bego ba bolela le yena.

*...gomme ke rile, Nnete o kgeigile go ba diripa;
gomme ga se ka mmona ge e sa le:*

*Gomme ge o tšea yo gape go tloga go nna, gomme tša
go se tšeegabotse tša mo wela, o tla theošetša fase meriri
ya ka ye mepududu ka bohloko go ya lebitleng.*

⁷⁴ Ba be ba ne Benyamini yo monnyane tlase kua ngwanabo yo monnyane. Le tseba yo Benyamini a mo emelago? Sehlopha se seswa sa kgonthe, Bajuda ba mmapale ba ba kgobokanago kua bjale go dira dikete tše lekgolo le masomenne nne, morafe wo—wo o tlago godimo. E sego baradia ba ba Wall Street, aowa, aowa; woo ke morole wo montši. Bona ga se Bajuda. Bona ga se Bajuda. Bajuda ba kgonthe ke boBenyamini ba bannyane ba tlago godimo ka mo, gomme ba sego ba ke ba tsoge ba kwa Lentšu la Jesu Kriste.

Bjale kagona etla go nna... gomme tatago... gomme tate wa ka, gomme mohlankana a se na le rena; go boneng gore bophelo bja gagwe bo tlemilwe godimo ka go bophelo bja mohlankana;

⁷⁵ Bophelo bja Modimo Mong bo tlemilwe le Israele. O nyalane le yena. Re ya go tla go seo metsotsong e se mekae, ge Morena a rata. O nyalane le Israele. Bophelo bja Gagwe bo tlemilwe go yena. Fela bjalo ka ge ke tlemilwe go Mdi. Branham morago kua, mosadimogatša wa ka, gomme o tlemilwe go mosadimogatša wa gago. Bophelo bja gago bo phuthetšwe ka go yona. Gomme Modimo o nyalane le Israele. Gomme e be e le eng? Jakobo o rile, "Bophelo bja ka bo phuthetšwe le go tlengwa ka go ngwana yo. Ke tla..."

Gomme go tla tla go phethega, ge a bona gore mohlankana ga a ne rena,...

Josefa o be a eya go swara mohlankana, le a tseba. Re tseba kanegelo.

...gomme gore o tla hwa, papagwe: gomme bahlanka ba gago ba tla theošetša fase meriri ye mepududu ya mohlanka wa gago tatago rena ka bohloko go ya lebitleng.

Theetšang kgopelo yela yeo Rubeni a e fago bjale.

Gobane mohlanka wa gago o ba netefatšo gore mohlankana go wa gago... go tate wa ka, a re, Ge ke sa tliše... mo tliše go wena, gona ke tla rwala molato go tate wa ka neng le neng.

Bjale kagona, ke a go rapela, anke mohlanka wa gago a šale legatong la mohlankana...

Oo, nna! Le a bona, o eme thwi pele ga Josefa, ngwanabo. Yo ke Josefa, gomme ga a mo tsebe. Oo, ema go fihla Mileniamo wola o thoma, ngwaněšu!

...bjale go na le gore mohlankana e be sebofša go morena wa ka;...

Mo theetšeng, a mmolela, "morena."

...gomme lesa mohlankana a ye godimo le baena ba gagwe.

Gobane ke tla ya bjang godimo go tate wa ka, gomme mohlankana a se ne nna? ge e se ge ka madimabe ke bona bobe bjo bo tla tlago godimo ga tate wa ka.

⁷⁶ A phophotha, a neela bophelo bja gagwe mong! Kafao bona Bajuda ba tla emago kua ka diatla tša bona ntle! Šetšang. Šetšang bjale ya 45, temana... Theetšang sekgauswi, le se e foše. "Ge Josefa a kgonne..."

Ka gona Josefa ga se a kgona...-tshwara yena—ithwara yenamong pele ga bona bohle bao ba bego beme le yena; . . .

Ngwanešu, mo ke ge sebe se eya go dirwa bofelo. Gosedumele go ya go šwalalana.

...gomme a goeletša, gomme a dira monna yo mongwe le yo mongwe go tloga...go nna. Gomme ga se go eme motho le yena, ge Josefa a itira go tsebja go bona babo.

⁷⁷ Yona ke eng? Ebile le mosadimogatša wa gagwe mong o ile morago paleising. Oo, nna! Monyalwa ka Letagong, mola Jesu a boa (Re tla tsena ka go yona mo.) go itira Yenamong go tsebja.

Gomme o llile kudu: . . .

Josefa o ile a se kgone go e swara botelele e ka ba bofe, gomme a goelela ntle.

...gomme Baegepeta le ntlo ya Farao ba e kwa.

⁷⁸ Thwi morago godimo ka paleising, ba kwele Josefa a goelela. Bjale, seo e be e le sekai sa Kriste a kopana le Bajuda, bao, O a tseba O ba fofaditše gore re kgone go ba le sebaka. Eupša ge A etla go bona gape, sebe sa Israele se tla fela.

Gomme Josefa o rile go baena ba gagwe, ke nna Josefa; . . .

A le nagana Jesu o tla reng? “Ke nna Mesia wa lena. Ke nna Yo le mmapotšego.”

. . . a tate wa ka o sa phela le bjale? Gomme bana babo ga se ba kgona go mo araba; gobane ba be ba gakanegile ka bogoneng bja gagwe.

⁷⁹ Oo, ke swanetše go ema mo motsotso feela. A re phetleng godimo go Sakaria tema ya 12. Phetlang le nna bjale go Puku ya Sakaria, tema ya 12 ya Sakaria. Gomme mohlomongwe ke tšeа nako ye ntši gannyane kudu go thomeng go rera ka ye, eupša ke—ke a holofela ga ke. Gomme ke—ke le nyaka le e hwetše, gampe kudu.

⁸⁰ Sakaria, a re hwetšeng tema ya 12 ya Sakaria, gomme re bone se A yago go se bolela bjale ge A eme pele ga baena ba Gagwe. Sakaria 12, gomme ya 10. “Go tliša bofelo go sebe,” bjale. Go lokile, tema ya 12 gomme temana ya 10.

⁸¹ Hlokamelang. Gomme bjale o bolela mo ka mašalela; go hlaselwa ga Jerusalema; sebata le madira a tlošwa, le go ya pele; dilo tšohle di tla go ya bofelong bjale; se ke go nyakile go ya Mileniamong, go lokišetša go thoma Mileniamo gonabjale.

Gomme Ke tla tshela godimo ga ntlo ya Dafida, le godimo ga badudi ba Jerusalema, moya wa (eng?) mogau . . .

Amene! Mogau wa go makatša!

... godimo ga ntlo ... badudi ba Jerusalema, (ya gabu Daniele “toropokgolo ye kgethwa”), moyo wa mogau le merapelo: gomme ba tla lebelela go nna yo ba mo hlabilego, gomme ba tla mo llela, bjalo ka yo a llelago morwa motswalwaeši, gomme ba tla ba mahlokong bakeng sa gagwe, bjalo ka yena yoo a lego mahlokong bakeng sa leitšibolo la gagwe.

⁸² Theetšang, a sello se e tla bago sona ge A eme kua, a itsebiša Yenamong go bona, boka Josefa a dirile! Theetšang.

Gomme ka letšatši leo go tla ba sello se segolo kudu ka Jerusalema, bjalo ka sello sa Hadad-...

Ga ke kgone go bitša leina leo, H-a-d-a-d-r-i-m- -o-...

... Hadadrimmon ka ... Mekidoni—Mekidoni.

Gomme ka nageng go tla ba sello, lapa le lengwe le le lengwe go arogana; lapa la ntlo ya Dafida thoko, gomme basadibagatša ba bona thoko; gomme lapa la ntlo ya Nathane thoko, gomme malapa a bona thoko;

La... ntlo ya Lefi... gomme basadibagatša ba bona le malapa thoko; ... gomme Simeone le a bona thoko;

Gomme malapa ohle a a šalago, lapa le lengwe le le lengwe... gomme basadibagatša ba bona thoko.

⁸³ Ba tla lewa ke dihlong kudu bakeng sa bonabeng, ge ba eme kua gomme ba bona gore yena Yo ba mmapotšego gomme ba mo gannego, o eme fao, Josefa yo bohlokwa wā bona beng. Go tla ba sello se sebjalo! Gomme ba tla re, “Mabadi ao O a tšere kae?”

⁸⁴ O rile, “Ka ntlong ya bagwera ba Ka.” Le bona se ke se rago? Go tliša bofelo bja sebe, sa gosedumele, seo ke se A se tlelago.

⁸⁵ Gomme ngwaga wo wa bomasomešupa wa Daniele, beke ya bomasomešupa, a ke re, e tla go dira bofelo bja sebe, go se bea kgole. Le a kwešiša bjale? Sa pele ke eng? “Go fediša karogo.” “Go dira bofelo bja sebe.” Nomoro tharo, “Go tliša dipuelano tša bokgopo.” Lena ba le e ngwalago fase.

Ke bile le Mangwalo e ka ba a selelago fao, eupša ke nno feta ka godimo ga yona, gobane go a fiša. Ga re nyake go tšeа nako ye ntši kudu. Ke nyaka go hwetša bontši bja yona ka mo nka kgona, eupša e sego go le swarelela botelele kudu. Go lokile.

⁸⁶ “Go dira dipuelano bakeng sa bokgopo.” *Bokgopo* ke “go dira phošo,” bjalo ka ge ba dirile mo sefapanong. O dirile dipuelano, eupša e ka se šomišwe go bona. Ga se ya šomišwa go bona. Gobaneng? Gobane ba be ba foufaditšwe gomme ga se ba kgona go e bona. Gomme gobaneng ba foufaditšwe?

O re, “Gabotse, mohlomongwe, lehono... gobane ke sefov.” O sefov ka boomo. Ba be ba foufetše gobane Modimo o ba foufaditše. Eupša o sefov gobane o sefov ka boomo. Ga go

poelano bakeng sa gago. “Ge le sa dumele Ke nna Yena,” go boletše Jesu, “le tla hwela ka sebeng sa lena.” Yeo ke nnete.

⁸⁷ Bjale a re phetleng morago go Sakaria gape, tema ya 13. Bjale a re theetšeng mo. “Go dira dipuelano.” Bjale, moo se... Ke be ke lebeletše bakeng sa yo mongwe, go kwa se—go kwa se, eupša mohlomongwe Morena o tla e hwetša ka tsela ye nngwe.

Ka letšatši leo go tla ba...

⁸⁸ “Ka letšatšing leo.” Ngak. Scofield o ne mo ka go dinoutsethoko tša gagwe, goba dihlogo tša ditemana, “Mašalela... Mašalela ao a sokologile a šupilwe sefapanong.”

⁸⁹ “Go dira dipuelano bakeng sa bokgopo.” *Bokgopo* ke “se sengwe seo o se dirilego ka phošo, seo o tsebilego bokaone, gore o be o se wa swanela go be o se dirile.” “Ge ke emere bokgopo ka pelong ya ka, Modimo a ka se nkwe.”

⁹⁰ Bjale, ka go Sakaria tema ya 13, a re thomeng go ya 1—go temana ya 1.

*Ka letšatši leo go tla ba mothopo o butšwego ka ntlong
ya Dafida le go badudi ba Jerusalema bakeng sa sebe
le... gosehlweke.*

⁹¹ Go tla ba ntlo ye e bulegilego. Eyang pele; re ka kgona go no e bala go ya pele go theoga. Ke le nyaka le marake yeo gore le tla e bala. Eupša bjale, ke marakile ntle mo go thoma go temana ya 6 le go bala go ya go ya 10. Go lokile, a re baleng bjale gomme re bone, re bale go ya go ya 9, a ke re.

*Gomme yo motee o tla re go yena, gore kae... Ke eng
dintho tše ka seatleng sa gago? Ka gona o tla araba,
Bao... bao Ke bago le bona e bile... (A re boneng.)...
karabo, Ao Ke bilego ke gobaditšwego ka ntlong ya
bagwera ba ka.*

*Tsoga, O tšhoša, kgahlanong le modiši, le kgahlanong
le monna yo e lego mogagešo wa ka, go boletše MORENA
wa mašaba: itia modiši, gomme dinku di tla šwalalana:
gomme Ke tla retollela seatla sa ka godimo ga bona ba
bannyane.*

⁹² Bjale, Jesu o tsopotše Lengwalo lela. Le a bona, “Itia Modiši, gomme o šwalalanye dinku.” Eupša hlokamelang temana ya go latela. O nno tsopola yeo bontši bja yona. Eupša šetšang se lefoko la go latela la yona le se bolelago, karolo ya go latela ya yona. “Gomme Ke tla retollela seatla sa Ka go bona ba bannyane.” Eng? Sehlopha sa Benyamini se se tlago godimo bjale. “Ke tla retollela seatla sa Ka go bona ba bannyane.”

⁹³ “Itia Modiši.” Israele, pele, Israele e iteile Modiši, ya šwalalanya dinku go ya lefaseng lohle. Eupša Modimo o rile, “Ke tla retollela seatla sa Ka morago, go hwetša bona ba bannyane ka letšatšing la mafelelo.” Neng? Ge poelano ya bokgopo e dirilwe.

⁹⁴ Israele e tla phološwa, yo mongwe le yo mongwe wa bona. A re phetleng go Jesaya. Jesaya, tema ya 66 ya Jesaya, gomme re bale nakwana feela. Gomme re bone se Modimo a se bolelago ka Israele e phološwa, go tla tsea nako ye telele gakaakang go phološa Israele. Šetšang ka mo go tla tlago ka pela. Ka go Jesaya, tema ya 66 gomme temana ya 8. Ge le nyaka go e bala yohle, go lokile.

Ke mang a kwelego selo se sebjalo? ke mang a bonego selo se sebjalo? A lefase le tla dirwa gomme la tšweletša... letšatši le tee... ka letšatši le tee? ... gobane ka pejana ge Tsione a šokwa, o tšweleditšwe ngwana wa gagwe.

⁹⁵ Ka pejana ge Tsione e bone gore yoo e be e le Mesia, o ile a tswalwa gape, ka letšatši le tee. “Go dira dipaelano bakeng sa dibe, le go dira dipaelano bakeng sa bokgopo, gosehlweke.” Oo, nna! Ba dirile se e bego e le se sebe, se se bego se fošagetše. Dipaelano di ile tša dirwa bakeng sa bokgopo.

⁹⁶ Nomoro nne. “Go tliša ka gare toko ya gosafelego.” Ke selo sa bone seo A se tleLAGO. Sa bone, se A tlago go se dira, “Go—go tliša ka gare toko ya gosafelego.” “Go dira bofelo bja sebe; poelano; le go tliša ka gare toko ya gosafelego.” Ge dikarogo tša Israele di etla bofelong... Ge karogo ya Israele...

⁹⁷ Bjale re ya go... Ke le nyaka le sware se, gobane ge re tliša mosadi yola, gomme trakone e lahlelwat ntle, le ya go tlwa thwi morago go Lengwalo le la go swana gape. Ebang le bonnete go Le bea fase. Ge karogo ya Israele e tlie bofelong, Sathane, yo e lego mophari wa bona le mophari wa rena, Sathane o tla tswalelwat ka go molete wa go hlokabofase. Ge eng? Ge go tlišeng toko ya gosafeleng, se sengwe se ka se kgonego go fela, tšohle tše di hlolago goseloke di tla fedišwa.

⁹⁸ A re yeng go Kutollo tema ya 20 gomme temana ya 13, motsotsotso feela, gomme a re baleng mo motsotsotso feela. Kutollo 20, gomme 13... Aowa, ke kgopela tshwarelo ya lena. Dikutollo... 1 go ya go 3, ke yona. Ga se ke bone mmaraka wo monnyane wola gare ga yona. Mphufutšo wa ka mo o tsena ka mahlong a ka. Dikutollo tema ya 20, gomme a re boneng.

Gomme ke bone morongwa a etla fase go tšwa legodimong, a swere dikgonyo go ya mole teng wa gohlokabofase le ketane ye kgolo ka seatleng sa gagwe.

... a swara trakone, sephente yela ya kgale, e lego diabolo, le Sathane, gomme a mo tlema mengwaga ye sekete,

Gomme a mo lahlela ka mole teng mohlokabofase, gomme a mo tswalelela, gomme a bea leswao godimo ga gagwe, gore a se ke a hlwe a fora setšhaba gape, go fihla mengwaga ye sekete e tla phethagatšwa: gomme morago ga fao... o swanetše go tlemollwa sehla se sennyane.

⁹⁹ Go dira ya gosafelego... “Go tliša toko ya gosafelego,” Sathane ka mole teng wa tlhokabofase. Gomme ge A dira seo, gomme a tswalelela diabolo yo a forilego batho.

¹⁰⁰ Bjale a re phetleng morago go Habakuku, tema ya 2. Habakuku tema ya 2. Gomme bjale re ya go bona gobaneng A tswaleletše sephente ye ya kgale, le seo e se diretšwego, le se se diregago ka pela morago ga ge a tswaleletšwe. Ke rata se, a ga le? [Phuthego e re, “Amene.”—Mor.] E—e re tliša go tsebo ya tše dingwe. Habakuku, Habakuku, tema ya 2 gomme temana ya 14, ke a dumela ke yona, ke nyaka go bala. Ge se se direga... Šetšang.

*Gobane lefase le tla tlala ka tsebo le letago la MORENA,
bjalo ka meetse a apeša lewatle.*

¹⁰¹ Ooo, nna! [Ngwanešu Branham o phapha diatla tša gagwe—Mor.] Fše! Ka mantšu a mangwe, ge lenaba le beilwe kgole, bofelo bja sebe bo tlie, go tliša ka gare toko ya gosafelego go tlie, Sathane o tswaleletšwe ka go molute wa tlhokabofase, gomme tsebo ya Morena e tla apeša lefase bjalo ka meetse a apeša lewatle. Amene! Letago go Modimo! E etla, ngwanešu, e etla! Basadi e tla ba bahumagadi, gomme banna e tla ba bakgomana. Amene!

Ge tsebo ya Morena e tla tlala lefase le lewatle
le lefaufau;
Gomme, oo, pelo ya ka e a tsetla, e llela letšatši
lela la tokollo ye bose,
Ge Jesu wa rena a tla tla morago lefaseng gape.

¹⁰² Amene! Go lokile. Bjale, Mileniamo nako yeo o a kgatlampana. Moo ke ge Mileniamo, ge Toropokgolo e agiwa. Ya bone... Ke na le e ka ba Mangwalo a seelago gape, eupša re tla hlagnela. Bjale, ge re etla morago, ke tla topa Mangwalo a mangwe a; eupša go no le fa kgopoloy a kakaretšo.

¹⁰³ Nomoro tlhano. “Go tswalela pono le seprofeto.” Le a bona, Morongwa yola o tla go tswalela pono le seprofeto.

Ke—ke hloya go bolela se. Eupša, mongwadi tsoko yo mogolo, yo ke bego ke bala ka yena letšatši le lengwe, ge a se a be le seo se hlakahlakantswe! O boletše “Se se bego se le...”

Bjale, go no laetša ka fao botlaela... Oo, ntshwareleng, Ga ke re go bolela seo. Ntebaleleng. Ga ke re seo, ka kgonthe ke be ke sa re. Aowa. Mo—mo—mo monna ntle le tlotšo, le a bona.

Monna o rile, “Le a bona mo gore dipono le diprofeto ka mehla di be di dumelatše go kereke ya Bajuda.” Gomme o rile, “Go tloga go nako ya Daniele go ya pele, ge Daniele a etla, go be go era gore ba be ba ka se sa ba le pono gape goba seprofeto gape.” O rile, “Dilo tšohle tše lehono tše ba bolelago ka tšona, ka go beng le dipono le diprofeto, e be yohle e le selo sa diabolo,” gore, “go be go se selo se sebjalo bjalo ka dipono le seprofeto.”

Ngwanešu, go bile ditasene tša baprofeta ka morago ga Daniele. Gomme go bile Johane Mokolobetši. Go bile Jesu Kriste. Go bile baprofeta go kgabola Testamente ye Mpsha. Go bile dipono. Go bile Barongwa.

Motho lefaseng a ka bolela seo bjang? Eupša, le a bona, ke ka maikaelelo a boikholo, go leka go kgoromeletša se sengwe godimo ga batho, go e dira thuto ye nnyane ya kereke, goba selo sa go hloka mohola se sennyane, go ba nnete go batho. Gomme ge batho ba se ne Moya wo Mokgethwa, ba tla forwa ke yona.

¹⁰⁴ Bjale, a re se ke ra tšeа se monna tsoko a se boletšego. Bjale, ga go Lengwalo go netefatša seo. Kafao nka kgona go tšeа seo bjang? Gabotse, a re hwetšeng se go tswalela ka kgonthе go lego sona. Šetšang! O tla go dira seo, go tswalela toro le seprofeto.

¹⁰⁵ Bjale, a re nong go phetla morago go Puku ya Daniele, mo re bego re le gona. Godimo ka go Puku ya Daniele, re tla hwetša feela se E se boletšego. Bjale a re phetleng go Daniele tema ya 12. Bjale, ge re eya go Daniele 12, bjale, re ka thoma. Gomme go bala go tloga . . . Ge le eya gae, ke le nyaka le bale go tloga go temana ya 1 go ya pele. A re nong go bala go tloga go temana ya 1, go theoga go ya go ya 4.

*Gomme ka nako yeo Mikaele o tla ema . . . mokgoma
yo mogolo yo a tla emelago bana ba batho ba geno: . . .*

Bjale, ye ke nakong ya bofelo.

*. . . gomme go tla ba nako ya bothata, ye e sego ya tsoge
ya ba ge e sa le . . . setšhaba . . .*

Yeo ke ge molwalekriste, monamedi yo wa Lehuto la Pele a eya pele, ge a tšeа sebaka.

. . . ebile go fihla ye nako: . . .

Bjale ka go nako ge Titose a tšeа maboto a Jerusalema. E bile feela ka go lefelo le tee. Šetšang ge molwalekriste yo, mokgoma yola a be a swanetše go tla, šetšang ge a etla.

*. . . ebile le go nako ya go swana: gomme ka nako yeo
batho ba geno ba tla lokollwa, yo mongwe le yo mongwe
yo a hwetšago a ngwadilwe ka pukung.*

Haleluya! “Batho ba geno,” Israele, “ba tla ngwalwa ka pukung.”

*Gomme ba bantši ba bona ba ba robetšego leroleng
la lefase ba tla tsoga, ba bangwe go ya bophelong
bjø bosafelego, gomme ba bangwe go dihlong le go go
nyatšega go ya go ile.*

¹⁰⁶ Seo se be se ka kgonega bjang lefaseng go ba ge Titose a be a tšeа merako ya Jerusalema? Go be go ka kgona go ba bjang? Go be go ka se kgone go ba. Le a bona, o bolela ka nako ya bofelo, ka tsogong. A yeo ke nnete? Bjale:

Gomme ba e lego ba bohlale ba tla phadima bjalo ka phadimo ya leratadima; gomme bao ba retolotšego go tloga...ba ba retolletšego ba bantši go lokeng... dinaledi go ya go ile...

Theetšang! Šefa gona, ga kgonthe, go tswalela ga therešo.

Eupša wena, O Daniele, tswalela mantšu, gomme o tswalele puku, ebile go iša nakong ya bofelo:...

¹⁰⁷ Ke eng yona? Oo, haleluya! A le a e bona, tlelase? Kutollo ye ya Jesu Kriste, le ya Maatla a Gagwe, ya go Tla ga Gagwe, ya nako ya bofelo, e tswaleletšwe go fihla nakong ye. Seo ke se A tlago go se dira. E utetšwe dirutegi; ga go makatše ba nyaka go e diriša, “go e tswalela,” morago mošola, go “go se baprofeta,” le se sengwe le se sengwe moragorago. E ka se sware meetse. Eupša pono, pono ye, e tswaleletšwe go fihla thwi mo bjale. Gomme ke moo ke beilego tumelo ya ka, gore Modimo o tla di utolla dibeke tše masomešupa. Amene! “E tswalele,” O rile, “go fihla nako ya bofelo. Tswalela Mantšu gomme o tswalele Puku go fihla nakong ya bofelo.”

¹⁰⁸ Yena o dirile eng? Go tswalela pono le seprofeto! Daniele o profetile dilo tše. O e bone ka ponong, gomme Morongwa o tlide fase go tswalela pono le go tswalela seprofeto. Ba ka kgona go e bala, eupša ba ka se kgone go e kwešiša, go fihla nakong ya bofelo. Nakong ya bofelo, nakong ya bofelo ke eng? Bofelong bjo beke ya bomasomešupa, ge mokgoma yola, molwalekriste a tla utollwa, ka nako ye, a itira Modimo yenamong. Re tseba bjang ye e tswaleletšwe go fihla go nako? Daniele o nno ya go kgabola; ye ke tema ya mafelelo ya Daniele.

¹⁰⁹ Kgaetšedi Simpson o mpoditše morago ga sekgalela se, o rile, “Ngwanešu Branham, ke badile Puku ya Daniele ka moka. Ke—ke nno se tsebe go fetiša ge ke eme, ke feditše, go feta ke dirile ge ke be ke thoma.” Še yona, Kgaetšedi Simpson, ge o le mo bošegong bjo. Ke a dumela ke mmone a dutše godimo kua. Ga se ka tsoge ka bolela selo ka letorokong. Ke homotše, gobane ke naganne mohlomongwe ke be ke tla fihla go yona.

Eupša, pono ye Daniele a e bonego, tlase kua kgauswi le noka, e be e tswaleletšwe, “go fihla nakong ya bofelo.” Ke... Anke ke no ya pele gomme ke e bale mo. Le a bona?

Eupša wena, O Daniele, tswalela mantšu, gomme tswalela puku, ebile go ya bofelong bja nako: ba bantši ba tla kitimela pele le morago, gomme tsebo e tla ata.

Gomme nna Daniele ka lebelela, gomme, bonang, fao go be go eme...ba babedi,...yo motee ka lehlakoreng le tee...la noka, gomme yo motee ka go le lengwe lehlakore la leši la noka.

Gomme yo motee o rile go monna yo a bego a apere le—le leukodi, a bego a le godimo ga meetse a noka, Go tla ba botelele gakaakang go ya bofelong bja dimaka tše?

Bjale theetšang.

Gomme ka kwa monna yo a aperego leukodi, yo a bego a le godimo ga meetse a noka, ge a swaretše seatla sa gagwe se setona le seatla sa gagwe sa nngele go leba legodimong, gomme a ena ka yena yo a phelago go ya go ile le go ya go ile gore e tla ba bakeng sa nako, nako, le seripa sa nako; . . .

Bjale, re ya thwi—thwi tlwa, “Nako, nako, le seripa sa nako.” Bjale le hlokomele ge re tsena ka go dibeke tše masomešupa tša Daniele, ka fao seo se tlagoo ntle. Moo ke ge sephiri se eya go utollwa. Go lokile. “Nako, nako, le seripa sa nako.”

...*gomme ge yena a tla . . .* (“yena,” lešalamong bjale, molwalekriste) ... a tla phethag-...*phethagaditše phethagaditše go phatlalatša maatla a batho ba bakgethwa*, (moo ke ge a roba kgwerano bogareng bja beke), *dilo tšohle tše di tla phethagatšwa*. (Amene.)

Gomme ke kwele, eupša ga se ka kwešiša: ka gona ke rile, O . . . Morena, bofelo bja dilo tše e tla ba eng?

Gomme o rile, Eya ka tsela ya gago, Daniele: gobane mantšu a tswaleletšwe le go tswalelwa go fihla nako ya . . .

[Ngwanešu Branham o a ema. Phuthego e re, “Bofelo!”—Mor.] Oo, le se ke la lebala seo!

...*go fihla nako ya bofelo.*

Ba bantši ba tla hlwekišwa, le go dirwa ba bašweu, le go lekwa; eupša ba babe ba tla dira gampe: gomme ga go yo motee wa ba babe a tla kwešišago; eupša ba bohlale ba tla kwešiša.

¹¹⁰ Molaetša wa nako ya bofelo o tla e utolla; lebaka la mafelelo la kereke. Letago! Fše! Ke lena bao! Oo, nna! E a ntšikinya, go nagana ka yona, sephiri! Dilo tše kereke lefase e ponyaponyago mahlo a bona le go re, “Ke ditšiebadimo.” Sephiri sa gore Jesu Kriste o be a le Mang; e sego Motho wa boraro, e sego Motho wa bobedi, e sego Motho wa boraro, eupša *yena* Motho wa Modimo. Diphiri tše dingwe tšohle tše tša Modimo di tla utollwa, gobane se ngwadilwe mo ka Pukung ye, gomme se tla utollwa go moloko wa nako ya bofelo. Ba ka se e bone gape ka diseminaring, le dikolo, le dikerekemaina, go feta Bajuda ba ka kgona go bona Jesu e le Mesia. Ga go makatše ba leka go nagana le a hlanya. Ga go makatše ba nagana le mašilo. Ga go makatše ga ba kgone go kwešiša gobaneng le sa kekeretše le bona. Gobane go ne Maatla le pono morago ga lona, Lentšu la Modimo le le utolotšwego, go bea Kereke ka lenaneo bakeng sa Tlhatlogo le go ya Gae. Ee.

“Ba bantsi ba tla kitimela pele le morago, gomme tsebo e tla ata.” Nnete.

¹¹¹ Bjale, selo se sengwe ke eng se se bego se tla tsebja? Lebelelang go lehono, ka dikerekeng. Še yona. Ke a holofela ga e gobatše, eupša ke swanetše go e bolela. Go dira . . .

¹¹² Ka letsatši leo molwalekriste o tla tsoga.

¹¹³ Bjale, elelwang, ge re tsena ka go Mahuto, molwalekriste yola o otlela thwi ntle godimo ga Mahuto ao. Daniele o boletše ka yona mo, “Mokgoma yo a bego a tla tla.” O be a tla ripša, Jesu o be, go dira dipolano bakeng sa batho. Eupša, “Mokgoma yo a bego a tla ema, yo a bego a tla hlola makgapa go dira tšhwatalanyo,” yoo e be e le Roma, ka Titose. Gomme nako ye, ke mokgoma a etšwa Roma, o tla e dira. Gomme o tla utollwa ka letsatšing la mafelelo, bjale theetšang, “a itira Modimo yenamong,” bjalo ka ge Moya wo Mokgethwa o re seboditše ka go Bathesalonika ba Bobedi, ya 2.

A re nong go ya go yona, Bathesalonika ba Bobedi, gomme ka gona le ka se be le lentšu la ka eupša Lentšu la Modimo. Bathesalonika ba Bobedi, tema ya 2 gomme temana ya 12. A re boneng. Bathesalonika ba Bobedi, tema ya 2 gomme temana ya 12. A re boneng. A re thomeng ka godimo ga yeo, temana ya 7.

Gobane sephiri sa bokgopo se šetše se šoma: . . .

(Yo ke Paulo a bolelago, ka Moya wo Mokgethwa.) . . .

feela—feela yena yo bjale a diegišago o tla diegiša, go fihla a tlošwa tseleng.

Ke mang “Yena” mo? A go ne e ka ba mang a tsebago? Moya wo Mokgethwa, “Yo a diegišago.”

Gomme ka gona (ge) yo Mobe yola o tla utollwa, . . .

Neng? Feela ka nako ye Moya wo Mokgethwa o tšeelwago ntle, wo o lokišetšago go tloga gabjale. O tlogela eng? Go tšeа Kereke le Yena. “Utolotšwe!” Paulo a bolelago, ka fase ga tšušumetšo.

. . . yo Morena a tla mo fedišago ka moywa molomo wa gagwe, gomme o tla mo fediša ka go kganya ga go tla ga gagwe: (yena yo mobe, nnete)

Ebile yena, yo go tla ga gagwe go lego ka morago ga go šoma ga Sathane ka maatla ohle le maswao le matete a go aketša,

“Ke rena kereke ye kgolokgolo. Re na le se. Re na le se. Lena bohole le kopantšhwago mmogo,” le a bona. “Ke rena ba bagologolo.” Matete a go aketša!

Gomme le ka gohle . . . goseloke ka go bona ba ba senyegago; gobane ga se ba amogela ya lerato la therešo, gore ba ke ba phološwe.

*Gomme ka baka le Modimo o ba rometše phoro ye
maatla, gore ba dumele maaka ba dumele maaka:*

*Gomme gore ba...ke ba lahlwa ba ba sa dumelego
therešo, eupša ba ne kgahlego ka go goseloke.*

¹¹⁴ A le a e hwetša? [Phuthego e re, "Amene."—Mor.] Oo, nna! Bjale, Paulo a bolela. Nako ge Lehuto la Modimo le dirwa go tsebja, Moya wa Gagwe, Leina la Gagwe, mogau wa Gagwe, diphiri tše dingwe tšohle tše tseo di yago pele bjale, dipolane tša Kereke ya Gagwe go ya ka go Tlhatlogó; go tšhollewantle ga Moya wo Mokgethwa go dirile se. Ke seo A se dirilego ka matšatšing a mafelelo.

¹¹⁵ Bjale, a re boneng. A re ne nako bakeng sa ye ya mafelelo? [Phuthego e re, "Amene."—Mor.] Ya boselela, "Go tlotša Sekgethwakgethwa." Oo, nna! Ye tee še! Selo sa mafelelo se A swanetšego go se dira, ke go dira eng? Bjale, a re nong go ya morago godimo ka go Daniele, go hwetša tšohle A swanetšego go di dira thwi mo. "Dibeke tše masomešupa." Ke eng se swanetšego go phethagatšwa ka nako ye? Go lokile.

...beetšwe godimo ga batho ba geno le...
toropokgolo ye kgethwa ya geno, go fediša dikarogo
(dikarogo tša batho), ...go dira bofelo bja sebe (bakeng
sa batho), le go dira dipolano bakeng sa bokgopo bja
bona, le go tlisa toko ya gosafelego (bakeng sa Bajuda),
le go tswalela pono le seprofeto (go fihla nako ya bofelo),
le go tlotša Sekgethwakgethwa.

Leo ke lebaka lemenwagatshela la go tla ga Gagwe.

¹¹⁶ Bjale, "go tlotša Sekgethwakgethwa." Bjale, se se ka no ba go se tlwaelege nthathana gannyane lebaka la motsotso, go ba bantši ba lena barutiši, eupša bjale e nong go e swara motsotso feela, e nong go bona ka fao e tlago ntle.

¹¹⁷ Ye ke tlotsa, e sego ya motho. Jesu o šetše a tloditšwe. Yeo ke nnete? [Phuthego e re, "Amene."—Mor.] Puku ya Ditiro e boletše gore Modimo o tloditše Jesu ka Moya wo Mokgethwa; O ile tikologong a dira botse, le go fodiša balwetši, le go ya pele. Jesu o, šetše. Ÿena ke Mesia. Gomme Mesia e ra, "Yo a tloditšwego." A yeo ke nnete? Eupša fa mo nakong ya bofelo, O swanetše go tlotša Sekgethwakgethwa.

¹¹⁸ Ke eng "Sekgethwakgethwa"? Go tsela ya ka go e boneng, ye ke dumelago nka kgona go e netefatša ka Lengwalo, ke go tlotša "Sekgethwakgethwa," se e tla bago Tabarenenekele ye e tla šomišwago lebakeng la Mileniamo. Bjale theetšang, bonang gobaneng ke e hwetša. E hlalošitšwe ka go Hesekiele, te—te tema ya 4, te... Aowa, ke ra tema ya 43, temana ya 1 le ya 6. A re yeng morago go Hesekiele gomme re hwetše ka mo a swantšhago ka Mileniamong, ka fao ba tla tlotsago... Hesekiele 43, gomme a re nong go bala nthathana gannyane mo bjale gomme re bone se A yago go se dira ka go Mileniamo wo, go tlotša. Ka go Hesekiele 43,

go lokile, gomme a re thomeng ka ya 1, go ya go temana ya 6. Le ka kgona go bala selo ka moka morago ga ge le fihlile gae, nnete, lena ba le ngwalago fase, Hesekiele 43. “Morago ga fao . . .”

¹¹⁹ Bjale, šetšang, tlhaloša ya Tempele ye e swanetšego go agiwa ka Mileniamong. Bjale, e ka ba mang, mmadi e ka ba mang a tsebago, gore go tloga go Hesekiele tema ya 40, go fihla e ka ba tema ya 44, ga se selo ka lefaseng eupša Tempele ya Mileniamo e hlongwa lefaseng, (mang kapa mang o tseba seo, le a bona), ge letago la Morena le e tlatša, le go ya pele ka mokgwa woo. Bjale re . . . ya go no hlaloša Tempele ka go tema ya 43, gomme ya 1 go ya go temana ya 6.

Morago o ntlišitše kgorong, ebile kgoro ye e lebilego thoko ya bohlabela:

Gomme, bonang, letago la . . . Modimo wa Israele le ttile go tšwa ka tsela ya bohlabela: gomme sona segalontšu se be se le bjalo ka segalontšu sa meetse a mantši: gomme lefase le phadima ka lona letago.

Gomme le be le le go ya ka ponagalo ya pono ye ke e bonego, ebile le go ya ka pono ye ke e bonego ge ke ttile go senya toropokgolo: gomme pono e be e le bjalo ka pono ye ke e bonego nokeng ya Kebara; gomme ka wa ka sefahlego sa ka.

Gomme letago la MORENA—letago la MORENA le ttile ka ntlong ka tsela ya kgoro yeo mejako ya yona e lebilego bohlabela.

Kafao moyo wa nkuka, gomme wa ntliša ka lapeng la ka gare; gomme, bonang, letago la MORENA le tletše ntlo.

Gomme ke mo kwele a bolela le nna go tšwa ntlong; gomme monna a ema hleng ga ka.

¹²⁰ Go tlotša, go tlotša Tempele yela bakeng sa pušo ya Mileniamo. Bjale hlokamelang ka go Lefitiko. Bjale šetšang ka fao ya go gafelwa ka go Lefitiko. Bjale, ge re eya morago go Lefitiko, re hwetša gore Moshe o tloditše tempele. A re nong go ya morago ge re sa le ka go yona. Re na le nako yeo ye ntši. Gomme a re yeng morago go Lefitiko gomme re hwetšeng ge Moshe a be a tlotša tempele, ka go Lefitiko tema ya 8.

¹²¹ Oo, ke no rata go bapetša Mangwalo a go Mangwalo. A ga le e rate? [Phuthego e re, “Amene.”—Mor.] Gomme ka gona le—le no ba le kgo—kgo—kgo kgopolu ya seo—seo re se lebeletšego bakeng sa se re se dirago. Bjale, e ka ba mang wa lena o a lemoga gore re no šomiša Lengwalo nako le nako, go sona.

¹²² Bjale, tema ya 8 ya Lefitiko, gomme ke na le yona e marakilwe fase mo, temana ya 10. Hlokamelang Lefitiko 8:10. A re boneng.

*Gomme Moshe o tšere oli ya go tlotša, gomme a tšhela
oli ya go tlotša, gomme a tlotša tabarenekele le tšohle
tše di bego di le ka go yona, gomme a di hlwekiša.*

*Gomme... a e fafatša godimo ga aletara makga a
šupago, ... a tlotša aletara le tšona di dibjana tšohle,
bobedi legopo le leoto la lona, go ya go... go di hlwekiša.*

*Gomme a tšhela... oli ya go tlotša godimo ga hlogo ya
Arone, gomme a mo tlotša, go mo hlwekiša.*

¹²³ Moshe, ka lešokeng, o hlwekišitše, goba o tloditše tabarenekele ya thapelo, bakeng sa bana ba Israele ge ba be ba le leetong la bona. E tloditšwe.

¹²⁴ Bjale, ka go Dikoronika tša Bobedi, phetla ka kua, gomme re tla bona kgafelo gore ge Moya wo Mokgethwa o tšere bodulo bja Gagwe ka tabarenekeleng, gomme šetšang se se diregago bjale. Ka go Dikoronika tša Bobedi tema ya 5, gomme a re thomeng ka temana ya 13. Dikoronika tša Bobedi tema ya 5, gomme go thoma go temana ya 13.

*Gomme go tlie... go phethagala, ge diphalafala le
baopedi ba be... go dira segalo se tee go kwewa...
tumišo le gofatebogo ya MORENA; gomme ge ba
phagamišitše digalontšu tša bona ka phalafala le ka
disimpale gomme le diletšo tše dingwe tša mmino,
gomme ba tumiša MORENA, gomme ba opela, Gobane
go botse; gomme dikgaogelo tša gagwe di gona neng
le neng: nako yeo ntlo ya tlala ka lerus, ebile ntlo ya
MORENA;*

*Go fihla baprista ba eme... baprista ga se ba kgona go
ema go direla ka lebaka la lerus: gobane letago la MORENA
le be le tletše ntlo ya Modimo.*

¹²⁵ Modimo o tlie ka sekgethweng se se bego se swanetše go tlotšwa, gomme se filwe godimo go Yena bakeng sa batho go tla go rapela. Kafao, go tlotša, e sego “le lekgethwa la gago” lefelo, eupša go tlotša “le Lekgethwakgethwa” lefelo. Gomme re a hlokomba, gore, Jerusalema ye Mpsha “le Lekgethwakgethwa” lefelo. Gomme tlotšo e tla ba godimo ga Jerusalema ye Mpsha ye e fologago go tšwa go Modimo go tšwa Legodimong, e lokišitše bjalo ka monyalwa a hlophišeditše monnamogatša wa gagwe. Tlotšo e tla ba godimo ga bona.

¹²⁶ Bjale, ge Serubabele a gafetše tempele ya gagwe, morago ga ge e agilwegape, ga se ya tlotšwa gape, gobane e be e šetše e tloditšwe; gomme ya thubja, gomme e nno laelwa gape. Tshenyo ye e tliego go yona. E laetswe gape gomme ya emišwa, kafao go be go se tlotšo ya yona gape. Ge nako ye nngwe e kile ya tlotšwa, yeo e tšwetšepele go kgabola, gomme e ya pele go fihla yona nakong ye. Eupša ge Modimo a hloma Tabarenekele ya Mileniamo, O tla tlotša Sekgethwakgethwa; e sego “la gago le lekgethwa,” eupša, “Sekgethwakgethwa.”

¹²⁷ Eupša ge Kgoši e tšeа Terone ya Gagwe lebaka la mengwaga ye sekete setee, (Letago!) o fedile bjale. Sekgethwakgethwa e tla ba selo sa mafelelo go direga. Ge Tabarenekelle e hlomilwe; tsogo e tlie; Bajuda ba boile; Kriste le Monyalwa wa Gagwe ba tlie; Mojuda, dikete tše lekgolo masomenne nne ba swailwe; Mileniamo o diregile. Go tla ba tlotšo ge lefelo le Lekgethwakgethwa le tla tlotšwa; le lekgwetha, Sekgethwakgethwa, le le Lekgethwakgethwa. Ge, lefelo le Lekgethwakgethwa ke lefelokgethwa mo Modimo a bego a dula, gare ga Bakerubi. Gomme, nako ye, Kriste o tla dula ka lefelong le Lekgethwakgethwa, ka tlotšo godimo ga Gagwe. Gomme ba ka se hloke letšatši fao, gobane Kwana bogareng bja Toropokgolo e tla ba Seetša. Letšatši le ka se tsoge la dikela ka go Toropokgolo yela, bjalo ka ge Malome Jim a be a tlwaetše go bolela. Gomme le ka se tsoge la dira, gobane Kriste o tla ba Seetša seo, Yena motlotšwa. Gomme Kgoši o tla tla gomme a tšeа Terone ya Gagwe lebaka la mengwaga ye sekete se tee, go rena.

¹²⁸ Jeremia 3:12-18, go akaretša, a re e baleng. Godimo ka go Jeremia tema ya 18, ke a dumela. Ya. Aowa, tema ya 12, ntshwareleng, tema ya 12 ya Jeremia, gomme a re thomeng ka te-te...Jeremia 3, ntshwareleng. Jeremia 3, ke ngwa—ngwa ngwadile fase mo, fao, ge ke be ke ithuta, Moya wo Mokgethwa o ntshedišitše go no tloga lefelong go ya lefelong, ke nno ngwala tše fase bokaone bjo ke kgonnego. Jeremia 3, gomme ka gona 12 go ya go 18, go akaretša. A re e baleng.

Eya gomme o goelele mantšu go leba leboa, gomme o re, Boa, wena Israele mokgelogi, o realo MORENA; gomme Nka se dire ya ka—ya ka... dire pefelo ya ka go wela godimo ga gago: gobane Ke nna wa kgaogelo, go realo MORENA, gomme nka se sware pefelo neng le neng.

E no amogela bokgopo bja gago, gore o sentše kgahlanong le MORENA Modimo wa gago, gomme o phatlaladitše ditsela tša gago go ya go basetsbje ka tlase ga mohlare wo mongwe le wo mongwe wo motala,...

Seo ke se ba se dirilego, go tšwa bohlabela, bodikela, setšhaba se sengwe le se sengwe. Le a bona?

...gomme ga se la obamela segalontšu, segalontšu sa ka, o realo MORENA.

“Boang!” Theetšang se.

Boang, O bana ba bakgelogi, o realo MORENA; gobane Ke (n-y-a-l-a-n- -e)... Ke nyalale le lena:...

“Mahlo a bona a be a foufaditšwe, gobane Ke fa Bantle sebaka. Eupša, lena boang, gobane Ke nyalane le lena.”

...gomme Ke tla le tšeа o tee wa toropokgolo ya ka, gomme ba babedi ba lapa,...

Ga se bohole ba ipitšago Bajuda bonabeng ba tla yago ka gare. Eupša sehlopha sela se kgethilwego se tla ya ka gare, Benyamini yo monnyane yola a tlago godimo fase kua pele ga Josefa, sehlopha sela go tšwa go setšhaba se sengwe le se sengwe, yo motee go tšwa toropongkgolo, le go tšwa lapeng.

...gomme Ke tla le tliša Tsione:

Gomme Ke tla le fa modiša go ya ka pelo ya lena, yo a tla le sepago ka tsebo le kwešišo.

Gomme go tla tla go phethega, ge le tla atišwa le go oketšwa ka nageng, ka matšatšing ao, o realo MORENA, ba ka se sa bolela gape, A—a areka ya kgwerano ya MORENA: ga ešita e ka se tle monaganong: ga ešita ba ka se e elelwé; ga ešita ba—ba ka se e etele; ga ešita e ka se dirwe gape.

Ka noko yeo ba tla bitša Jerusalema terone ya MORENA; (bjalo ka ge A tla ba kua, le a bona), gomme setšhaba sohle se tla kgobokana (haleluya) go yona, gomme leina la MORENA, go Jerusalema: ga išita ba ka se sepele gape go ya ka dikakanyo tša bona beng ka bobe bja pelo ya bona.

¹²⁹ Mo ke ge Toropokgolo yela e tla tlotšwa. Mo ke ge Jerusalema ye Mpsha e tla tlotšwa. Gomme ditšhaba tšohle tša Toropokgolo... Godimo ka go Kutollo tema ya 22, e rile dikgoro di ka se tswalelwé bošego, gobane go ka se be bošego fao. Gomme dikgoši tšohle tša lefase di tla tliša tlhompho ya tšona le letago ka go Toropokgolo ye. Maboto a yona e tla ba letlapa la jaspere le saritisi, mehuta ye lesomepedi ya matlapa; gomme dikgoro tše lesomepedi e tla ba pheta e tee ya go kgwahla, e tee go kgoro ye nngwe le ye nngwe. Go ka se be bohllokwa bja kerese ka kua. Go ka se be seetša sa letšatši gape, gobane Kwana ye e lego bogareng bja Toropokgolo e tla ba Seetsa. Gomme O tla iša batho ba Gagwe ka Bophelong bjo bosafelego. Go tla ba mehlare ye mebedi e eme, wo motee ka lehlakoreng le lengwe la noka, gomme ke ya go fodiša setšhaba. Ke Yona yela e tloditšwego e tla tlago, Toropokgolo ye Kgethwa e fologa go tšwa go Modimo go tšwa Legodimong, e etla lefaseng.

¹³⁰ A re tšeeng bjale se se tla diregago lebakeng la nako yeo. Oo, a le a e rata? [Phuthego e re, "Amene." —Mor.] A re phetleng go Jesaya 65, motsotsotso feela. Go no ba botse kudu go taboga kgaušwi. Go no ba botse kudu go tloga. Go ka no ba go fiša gannyane, eupša a re feleng re sepela.

¹³¹ Jesaya 65, theetšang se se tla diregago lebakeng la nako yeo. Gomme e no ipotšiša wenamong, mogwera modiradibe, ge o—ge o ka phomelela go foša ye. Jesaya 65, a re thomeng ka e ka ba temana ya 17. Theetšang, yo mongwe le yo mongwe, sekgauswi bjale. Le ke lebakeng la nako ya Mileniamo, ge Sekgethwakgethwa se tlotšwa.

Gobaneng, bonang, Ke tla hlola magodimo a maswa le... lefase le leswa: gomme tša kgale di ka se gopolwe, le ge e le go tla monaganong.

Eupša ebang...hlalalang le thakgale...ebile ka go seo Ke se hlolago: gobane, bonang, Ke hlola Jerusalema...Ke hlola Jerusalem, (yeo ke Jerusalema ye Mpsha), go thakgala, gomme thabo go batho ba gagwe.

Tlotšo ke eng? Thabo ya Morena.

...hlolela Jerusalema thabo, le batho ba gagwe thabo. Gomme Ke tla thakgala ka Jerusalema, ...

Kgoši ka Teroneng, godimo ga pušo ya bogoši bja Terone, Terone ya Gosafelego, le batho ba Gosafelego le thabo ya Gosafelego ka go Toropokgolo ya Gosafelego! Oo, nna!

Gomme Ke tla hlalala ka Jerusalema, le thabo ka go batho ba ka: gomme segalontšu sa sello se ka se sa kwewa gape ka go yena, le ge e le segalontšu sa go lla.

Go ka se sa ba fao gape...matšatši a lesea, le ge e le mokgalabje yo a sego a phethagatša matšatši a gagwe: gobane ngwana o tla hwa a le mengwaga ye lekgolo bogolo; eupša modiradibe yo a lego mengwaga ye lekgolo o tla rogakwa.

Gomme ba tla aga dintlo, gomme ba di dula;...ba tla bjala dirapa tša morara, gomme ba tla ja kenywa ya tšona.

Ba ka se ke ba aga, gomme yo mongwe a dula; (ke gore, o a hwa gomme morwa wa gago o tšeа legato la gago) ... aga, gomme o mongwe o a dula; ba ka se bjale, gomme yo mongwe a ja fao: gobane bjalo ka matšatši a mohlare go tla ba matšatši a batho ba ka, gomme bakgethiwa ba ka ba tla ipshina botelele ka mediro ya diatla tša bona.

Ba ka se itapiše ka lefeela, goba go tliša pele bothata; ka gore ke peu ya bašegofatšwa ba MORENA, gomme le bana ba bona ba na le bona.

Gomme go tla tla go phethagala,...pele ba bitsa, Ke tla araba;... (Tlotšo yela ya letago, ka gare morago ga Bakerubi!) ...Ke tla araba; gomme ge ba sa bolela, Ke tla kwa.

Phiri le kwana di tla ja mmogo, ...tau e tla ja bjang boka powana: lerole e tla ba dijo tša sephente. Gomme ba ka se kweše bohloko le ge e le go senya ka go thaba ya ka ye kgethwa, o realo MORENA. (A le ka kgona go e foša? Aowa!)

¹³² Gogelang morago mo gape, gomme Jesaya o a bolela gape, ka go tema ya 11, temana ya 1 go ya go ya 9. Theetšang se a se

bolelago mo gape, ge a swara pono, morago ga ge a bona basadi, ka tsela ye ba tla bego ba dira ka matšatšing a mafelelo. Seny- . . . Gabotse, Jesaya 11, go ya go 1.

Gomme go tla tšwelela molamo go tšwa thitong ya Isai, . . . Lekala leo le tlogo mela go tšwa medung ya gagwe: (E be e le Mang yoo? Kriste.) . . . go tšwa medung ya gagwe:

Gomme moyā wa tla khutša godimo ga gagwe, moyā wa bohlale, wa kwešišo, moyā wa keletšo . . . maatla, moyā wa tsebo le . . . poifo ya MORENA;

Gomme o tla mo dira wa kwešišo ya ka pela ka go boifa MORENA: gomme a ka se ahlole ka morago ga pono ya mahlo a gagwe, ga ešita . . . ka morago ga go kwa ga ditsebe tša gagwe:

Eupša o tla ahlolela babotlana ka toko, gomme a sola bokgopo bja bona bakeng sa baboleta ba lefase: gomme o tla itia lefase ka molamo wa molomo wa gagwe, gomme o tla bolaya yo mobe ka mohemo wa dipounama tša gagwe.

Wa toko o tla itlema letheka ka yona, gomme babotegi ba tlema difega tša bona.

Gomme phiri le yona e tla dula le kwana, gomme lepogo le tla hutama fase le putšanyana (yeo ke pudi); gomme namane le tau le pholo . . . goba namane, goba tau le pholo mmogo; gomme ngwana yo monnyane o tla di etapele.

. . . kgomotshadi le bera di tla ja; . . . bana ba tšona (gomme) ba tla hutama fase mmogo: gomme tau e tla ja bjang boka pholo.

Gomme ngwana wa go anywa o tla raloka godimo ga molete wa marabe, gomme ngwana wa go tshwa letswele o tla bea seatla sa gagwe ka moleteng wa mokopa.

Ba ka se kweše boholoko goba go senya ka go dithaba tša ka tše kgethwa tšohle: gobane lefase le tla tlala ka tsebo . . . bjalo ka meetse ge a apešitše lewatle.

Hum! Ke ka go Jerusalema yela ya Mpsha. Yela “mpsha” yona. *Lekala*, mo, le šupa go, *Lekala* la Dafida. “Yena ke bobedi *Lekala* le Lehlogedi.”

¹³³ Bjale, morago ga ye, Monyalwa o a tšwelela. Morago ga dibeke tše masomešupa, Monyalwa o tšwelela ka go Kutollo tema ya 19, temana ya 1 le ya 16. O fihla le Monyadi wa Gagwe, Kgoši ye maatla. Oo, nna! Ga ke tsebe ge eba re ya go e hwetša yohle goba aowa. Go no ya go yona gore . . .

Gabotse, a re nong go bala karolo ya ye, go le bjalo. Fa ke moo Monyalwa a tla tlago, morago ga se. Le a bona? Morago ga

ge Mileniamo o tsene, morago Kriste o tla morago le Monyalwa. Nnete, 1 go ya go 16 le tema ya 19.

Gomme morago ga dilo tše...

Morago ga Tlaišego ye; morago ga Masetlapelo; morago ga Mahuto; morago ga Dikotlo; morago ga go rakelwa ntle ga Sathane; morago ga go hloma Mileniamo. Šetšang!

...morago ga dilo tše ke kwele se...segalontšu sa batho ba bantsi legodimong, ba re, Aleluja; Phološo, le letago, ...tlhompho, ...maatla, go Morena Modimo wa rena:

Gobane kahlolo ya gago ke ya therešo le toko: gobane o ahlotše seotswa se segolo, se se sentšego lefase ka mabofefe a gagwe, gomme o lefeditše madi a bahlanka ba gagwe ka seatleng sa gagwe.

*Gomme gape o...ba... Gomme gape ba rile, Aleluja.
Gomme muši wa gagwe o a tupa go iša neng le neng.*

Ke kereke malegogwana ya kgale, "muši wa gagwe o a tupa."

Gomme bagolo ba bane le masomepedi le dibata tše nne ba wetše fase gomme ba rapela Modimo yo a dutšego godimo ga terone, ba re, Amene; Haleluya.

Gomme se segalontšu se tlie go tšwa teroneng, sa re, Tumišang Modimo wa rena—Tumišang Modimo wa rena, lena bahlanka ba gagwe bohole, le lena ba le mmoifago, bobedi ba bannyane le ba bagolo.

Gomme ke kwele se o ka rego e be e le segalontšu sa lešaba le legolo,...

Theetšang! Ke lena mo, Kereke. Morago ga ge A ile godimo ka go tema ya 3, šo O a tla. Le a bona? Gomme bjale temana ya 6.

Gomme ke kwele se o ka rego e be e le segalontšu sa lešaba le legolo, le bjalo ka segalontšu sa meetse a mantši, le bjalo ka segalontšu sa modumo wo maatla, se re, Aleluja: gobane Morena Modimo mokgonatšohle o a rena.

Haleluya! Šetšang! Lenyalo la Kwana le a tla bjale. Šo O a tla.

A re thakgaleng le go hlalala, gomme re fe tlhompho go yena: gobane lenyalo la Kwana le tlie, gomme mosadimogatša wa gagwe o itokišitše yenamong. (Šo O a tla, bobedi, Monyalwa le Monyadi.)

Gomme o filwe gore a apare lešela le lekaone, la go hlweka le bošweu: gobane seaparo se sekaone ke...toko ya bakgethwa.

Gomme o rile go nna, Ngwala, Ba lehlogenolo ke ba ba bileditšwego selalelong sa lenyalo la Kwana. Gomme o rile go nna, Tše ke... dipolelo tša therešo tša Modimo.

Gomme ke wetše fase mo maotong a gagwe go mo rapela. Gomme o rile go nna, Bona gore o se ke wa e dira: ke nna mohlankammogo wa gago, . . . moena wa gago gomme ke na le . . . moena wa gago gomme ke na le bopaki bja Jesu: rapela Modimo: gobane bopaki (bja Kriste) bja Jesu ke moywa seprofeto.

Gomme ke bone legodimo le bulega, gomme . . . pere ye tšhweu; . . . (oo nna!) . . . gomme yo a bego a dutše godimo ga yona . . . o be a bitšwa Mmotegi le Therešo, gomme . . . o ahlola ka toko le go dira ntwa.

Gomme mahlo a gagwe a be a le bjalo ka dikgabo tša mollo, gomme . . . hlogong ya gagwe go be go le mefapahlogo ye mentši; . . .

O be a rwešitšwe mefapahlogo go ba eng? “Kgoši ya dikgoši.”

. . . gomme o be a ne leina le ngwadilwe, leo go sego motho a le tsebago, eupša . . . yenamong.

Gomme o be a apere kobo ye tšhweu e inetšwego ka mading: gomme leina la gagwe o bitšwa Lentšu la Modimo.

“Mathomong go be go le Lentšu, gomme Lentšu le be le le Modimo. Gomme Lentšu la dirwa nama gomme la dula magareng ga rena.” E be e le Mang? Jesu.

. . . gomme leina la gagwe o bitšwa Lentšu la Modimo.

Gomme madira ao a bego a le legodimong a be a molatela godimo ga dipere tše tšhweu, a apere diaparo tše kaone, tše tšhweu tša go hlweka. (Letago! Šo Yena o a tla.)

Gomme molomong wa gagwe fao go tšwa tšhoša ye bogale, yeo . . . gomme gore e tle e itie setšhaba: gomme . . . o tla ba buša ka molamo wa tšhipi: gomme o foħla boföhlelamorara bja kgalefo ya bogale bja Modimo Ramaatlakammoka.

Gomme o be a na le godimo ga seaparo sa gagwe le godimo ga serope sa gagwe leina la ngwadilwe, KGOŠI YA KGÖŠI, LE MORENA WA MORENA.

¹³⁴ E be e le eng? Batho ba Gagwe ba be ba sa tšo Mo rweša mphapahlogo go ba Kgoši ya kgoši, le Morena wa marena. A etla morago Tempeleng ye kgethwa ya Gagwe, a tloditšwe ka Bogona bja Modimo, go phela le go rena go kgabola Mileniamo le Kereke ya Gagwe. Amene! Go tšwelela, le Kgoši ye maatla, go tše lefelo la Gagwe ka lehlakoreng la Gagwe, Tempele ye mpsha ye e tloditšwego ya bogoshi.

¹³⁵ Bjale morero momenwagatshela wa Kutollo 6:1 go ya go Kutollo 19:21 o phethagaditšwe.

¹³⁶ Theetšang bjale, go tswaleleng. Mahuto a Šupago, Diphalafala tše di Šupago, Meruswi ye e Šupago, Masetlapelo a mararo, mosadi letšatsing, go lelekelwa ntle ga diabolo, goba trakone ye khubedu, go tla gare ga dinako tše lebakeng la sekgao sa Tlaišego ye kgolo. Le se ke la e lebala. Dilo tšohle tše di direga lebakeng la nako ye.

Eupša go morero momenwagatshela wa go Tla ga Gagwe. A le a e dumela? [Phuthego e re, "Amene."—Mor.] A nako ya letago e beetšwego bao ba ratago Morena! Ke ya go botša, mogwera, re ka se kgone go foša yeo. O se e foše, bakeng sa e ka ba eng o e dirago. Eba le mnnete!

¹³⁷ Bjale, Lamorena la go latela, ge Morena a rata, ke nyaka go neela, ge A ka nthuša, go laetša feela tlwa moo le lengwe le le lengwe la matsatši ao a šupago, moo di diregilego, go tliša se sa go swana—selo sa go swana se ke se dirilego lehono, le go bea nako tše di šupago, dibeke tše di šupago, dibeke tša masomešupa thwi ka lefelong la lefelokgethwa lela la Sejuda, le go laetša feela tlwa moo re phelago mo bofelong, Morena ge a rata.

¹³⁸ A le A mo rata? [Phuthego e re, "Amene."—Mor.] A le ka kgona go foša Legodimo? ["Aowa."] Re nakong ya bofelo!

A O tla go dira eng? Selo sa pele se tla direga, pele Jesu a ka tsoge a tla lefaseng, selo sa pele e tla ba eng? Kereke e tla (eng?) hlatlošwa! A Jesu o tla tla lefaseng le go sepela tikologong mabitleng, le go šikinya diatla le papa le mama, a bolela le rena bohole mo, le go ya godimo? Aowa!

Go tla ba bjang? Mo... Re bolela se go lena, ka le—ka Lentšu la Morena, "Gore rena ba re phelago le go šala..." Bathesalonika ba Bobedi, tema ya 5, "Rena ba re phelago le go šadišetšwa go Tla ga Morena, re ka se šitiše goba go thibela bao ba robetšego. Gobane phalafala ya Modimo e tla galagala; ba ba hwetšego go Kriste ba tla tsoga pele: gomme rena ba re phelago le go šala re tla ubulwa mmogo le bona go gahlanetsa Morena ka moyeng." Re tla ubulwa ka nakwana, ka ponyo ya leihlo. Lebakeng la nako yeo, seo se fetša Lebaka la Kereke.

¹³⁹ Ka gona, fase mo lefaseng Modimo o thoma go mekamekana le Bajuda. Go tla ba baprofeta ba babedi. Tema ya 11, re tla topa yeo. Baprofeta ba babedi bao ba tloditšwego, boka Eliya le Moshe, ba ke naganago ke bona. Gomme ba tla tliša dithogako tše kgolo, morago ga ge ba bone gore ba hlakantše, gomme Roma e robile kgwerano yela, mokgoma yola.

Bogareng bja beke ye ya bomasomešupa, e tla roba kgwerano ya yona le Roma, goba Roma e tla e roba le Israele, gomme seo se tla hlola makgapa go thoma go šwalalana. Gomme go tla ba lefula le legolo, ge mašalela a Bantle, kgarebe ye e robetšego... Trakone, Roma, e tshwele meetse go tšwa molomong wa yona, go dira ntwa le mašalela a peu ya mosadi ye e bolokago melao ya Modimo. Roma e tla dira seo.

¹⁴⁰ Mohlakanelwa wa kereke o tla ba kopanya mmogo, le go tliša Bajuda ka go mohlakanelwa wo, le go ba tliša morago go borapedi bja tempele bja bona beng gape, ka go O RIALO MORENA go tšwa go Beibele, gomme ba tla ba le kereke ya bona beng. [Ngwanešu Branham o kokotile godimo ga phuluphithi makga a mmalwa—Mor.]

¹⁴¹ Ke bona eng bjale? Ke sa tšwa go e swara bjale. Ke ye mpsha. Bjale ke bona setšhaba, se a lemogwa. A yeo ke nnete? [Phuthego e re, “Amene.”—Mor.] Eupsa ga ba na le borapedi bja bona bja tempele gabjale. Gomme ge ba hlomile borapedi bja tempele, Kereke e tla be e sepetše. Modimo o tla be a mekamekana le Bajuda bjalo ka setšhaba. Gomme ka gona ge ba tlišwa ka go mohlakanelwa wo, Roma e tla e roba bogareng bja ngwaga wa bomasomešupa, mengwaga ye meraro le seripa, o tla roba kgwerano yela le bona, gomme a hlola makgapa ao a dirago tšhwatalalanyo go phatlalala go iša bofelong. Ka gona o tla tšea bobedi Protestant, le Mojuda, gomme a ba hlomara. Ka nako yeo, baprofeta ba babedi ba ba tla ema gomme ba rogaka lefase, gore e ka se ke ya na ka matšatšing a seprofeto sa bona. Gomme ba tla bitša mollo go tšwa legodimong, le se sengwe le se sengwe gape. Le no letang. Re na le bontši bo letše mo, bo beetšwe rena, go ithuta. [Ngwanešu Branham o kokotile godimo ga phuluphithi makga a mararo.]

¹⁴² Oo, a Modimo yo mogolo A lego! A Tate wa kgaogelo! Bagwera, anke ke bolele se, bjalo ka modiša wa lena. Ga le lemoge menyetla ye le phelago ka tlase ga yona. Ga le lemoge. Go ne banna ba bantsi ba bagolo, go ne bakgethwa ba bantsi, go ne dikete tša banna ba bakgethwa ba ba hwilego mengwaga ya go feta, banna ba go tlala ka Moya ba ba ka bego ba ratile go bona letšatši le le phelago ka go lona. Anke wena le nna re le gabe.

¹⁴³ Ke eng gape re swanetšego go se lebelela? Re ka dira eng ka morago ga wo? Re ya kae? Go ya go direga eng? Re swanetše go ya felotsoko. O ka se kgone go dula mo nako yohle. O ka kgona go sega bjang bja gago; beke ya go latela bo hloka go segwa gape; ya, gabedi, pele ga nako yeo. O ka kgona go godiša bana ba gago. O ba fepa ka matena a bona; ka nako ya dilalelo ba swerwe ke tlala gape. O ba fepa ka selalelo; ba swerwe ke tlala gape mosong wa go latela. O ba rekela para ya dieta; ge ba swana le ba ka, e ka ba dikgwedi tše pedi goba tše tharo o ba rekela para ye nngwe. O ba rekela diaparo kgwedi ye; kgwedi goba tše pedi o ba rekela diaparo tše mpsha. Le a bona? Ga go selo se tšwelagopele. Ga go selo se iketlilego. Ga go selo se ka kgonago go ema.

Se dume mahumo a lefeela a lefase le,
Ao ka potlako a bolago,
Aga dikholofelo tša gago go dilo tša
Gosafelego,
Di ka se tsoge tša feta!

Nako e tletše ka diphetolelo tša lebelo,
 Ga go selo lefaseng se sa šuthego se ka emago,
 Aga dikholofelo tša gago go dilo tša
 Gosafelego,
 Swarelela go seatla sa Modimo sa go se fetoge!
 Swarelela go seatla sa Modimo sa go se fetoge!
 Swarelela go seatla sa Modimo sa go se fetoge!
 Aga dikholofelo tša gago go dilo tša
 Gosafelego,
 Swarelela go seatla sa Modimo sa go se fetoge!

Theetsang!

Ge leeto la rena le fedile, (O tla re dira re tsebe
 ge le fedile.)
 Ge go Modimo re be re tshepega,
 Botse le go kganya legae la rena ka Letagong,
 (Toropokgolo yela e tloditšwego)
 Soulo ya rena e hlatlošitšwego e tla boga!
 Swarelela go seatla sa Modimo sa go se fetoge!
 Swarelela go seatla sa Modimo sa go se fetoge!
 Aga dikholofelo tša gago go dilo tša
 Gosafelego,
 Swarelela go seatla sa Modimo sa go se fetoge!
 Se dume mahumo a lefeela a lefase le,
 Ao ka potlako a bolago,
 E no aga dikholofelo tša gago go dilo tša
 Gosafelego,
 A ka se tsoge a feta!
 Swarelela go seatla sa Modimo sa go se fetoge!
 Swarelela go seatla sa Modimo sa go se fetoge!
 Aga dikholofelo tša gago go dilo tša
 Gosafelego,
 Swarelela go seatla sa Modimo sa go se fetoge!

Ge re inamiša hlogo ya rena, ge o se wa ke wa tsoge wa tšeaa
 seatla sa Gagwe, a o ka no se tle wa e dira bjale?

Swarelela go seatla sa Modimo sa go se fetoge!
 Aga dikholofelo tša gago go dilo tša
 Gosafelego,
 Swarelela go seatla sa Modimo sa go se fetoge!

¹⁴⁴ Mosetsana yo monnyane, o mosetsanyana yo monnyane yo
 mobotsana bjale. Moriri wa gago wo monnyane ke wo mobotse,
 dithama tša gago tše nnyane ke dirosa. Eupša, o a tseba, e ya
 go no ba gosasa, go fihla, di tla nyamalala. Re tseba bjang eupša
 beke ya go latela diboko di tla be di sa go je, ka mobung, tše botse
 tše, tše nnyane dithama tša rosa?

¹⁴⁵ Ngwanešu lesogana, o tpile, tše kgolo, digoba tša go tia; o na
 le tlhogeloye kgolo. Eupša morago ga lebakana, feela gosasa,

wo mobotse woo, moriri wa dikhele o tla hlobega, gomme wo o nago le wona o šetše o fetoga wo mopududu. Wona a magolo, magetla a go otlologa a tla kobamela fase, gomme diboko di tla ya go ja ka matsogong le nameng. Ba tla go rwalela, ka leroleng.

Kafao, aga dikhofelero tša gago go dilo tša
 Gosafelego,
 Di ka se tsoge tša feta!
 Swarelela go seatla sa Modimo sa go se fetoge!
 Swarelela go sa Modimo . . .

Ke go nyaka o obeletše gomme o hwetše seatla sa Gagwe bjale.

Aga dikhofelero tša gago go dilo tša
 Gosafelego,
 Swarelela go seatla sa Modimo sa go se fetoge!
 Ka gona ge leeto le le fedile, (le tla dira,
 letšatšitsoko)
 Ge go Modimo o bile therešo,
 Lebotse le a phadima legae la gago Letagong,
 Soulo ya gago ya go hlatlošwa e tla le boga!
 Gobaneng o sa swarelela go seatla sa Modimo
 sa gosefetoge!
 Swarelela go seatla sa Modimo sa go se fetoge!
 Aga dikhofelero tša gago go dilo tša
 Gosafelego,
 Swarelela go seatla sa Modimo sa go se fetoge!

¹⁴⁶ Ke bone diponagalo tše ntši, gabotse kgauswi le mengwaga ye masometharo tee ka morago ga teske. Ke bone diponagalo tša go nyamiša; ke bone diponagalo tša letago. Ponagalo ya manyaminyami ye nkilego ka e bona bophelong bja ka . . . Bontši ka mo ke bonego bana ba ehwa ka tlala mokgotheng; ke bone bomme ba kgopela seripana se tee sa borotho. Ponagalo ya manyaminyami nkilego ka e bona, ke go bona monna, motho, gomme yo a swanetšeego go ba morwa wa Modimo, a ehwa ntle le go tseba Modimo.

¹⁴⁷ Ke elelwa mosadi a eme mojako bošego bjo bongwe, wa kereke ye, a ntshega. Gomme o rile, “Ke be nka se dumelele kgomo ya ka go ba le mohuta wa bodumedi bjo a nago le bjona!” Ka fasana ga iri, ke ile ka biletšwa sepetlele. Mosadi yo mobotse, a ka ba mengwaga ye masomepedi pedi bogolo, o be a goelela, “Tlišang moreri yola mo!” O be a le Mokatoliki, ka tumelo.

Ge ke sepeletše godimo, kgaetšedi yo mogolo o rile, “O thari kudu, Ngwanešu Branham. O hwile e ka ba metsotso ye mehlano ya go feta.”

Ke rile, “A nka kgona go mmona?”

O rile, “O be a go goelela, ka mantšung a gagwe a mafelelo, ‘Bitšang moreri yola, Ngwanešu Branham!’”

Monnamogatša wa gagwe o be a le fao, a goelela, “Mo direle thapelo! Dira thapelo!”

Ke rile, “Go thari kudu bjale.”

¹⁴⁸ Ke gogetše sepipetši fase. O be a ne mahlo a magolo gagolo a matsotho. Mosadi yo mobotse; disegišabaeng tše nnyane go kgabaganya sefahlego sa gagwe; moriri wo mohubedubotsotho; mosadi wa kgogedi kudu. O be a tlaišegile thata kudu go fihla disegišabaeng di emeletše godimo ga sefahlego sa gagwe boka dithala. Mahlo a gagwe a be a kokomogetše ka ntle ga dinkgotlopu tša wona, ka mokgwa woo. Gomme, nnete, mala a gagwe le dipshio di be di diragaditše, e lego ka go—ka go... Yo mongwe le yo mongwe o dira seo ge ba ehwa, bontši. Gomme o be a le fare, a letše ka seemong seo, molomo wa gagwe o bulegile. Gomme dintšhi tša gagwe mo, di be di khupeditše seripa karolo ya leihlo la gagwe. Nka se tsoge ka e lebala. Pina yela e tlide monaganong wa ka.

Se dume mahumo a lefase le a lefeela (bobotse, moaparo),

¹⁴⁹ Ke eme lehlakoreng la monna thwi godimo mo ka Port Fulton, a ehwa. Ba mpileditše lehlakoreng la malao a gagwe. Gomme ke rapetše le yena mo aletareng bošego bjo bongwe. O beile letsogo la gagwe go dikologa mosadi. Ke rile, “Tloša letsogo la gago go dikologa mohumagadi yoo.”

O rile, “Ke mo hlahlela go Modimo.”

¹⁵⁰ Ke rile “E sego letsogo la gago go mo dikologa.” Ga ke dumele dilo tše bjalo. O ile a mpefelelwa. O ile a tswela ka ntle go mojako.

Ke ile go yena, moragonyana gannyane, ge a be a ehwa. O ntebeletše ka sefahlegong, a re, “O se ke wa nthapelela, Ngwanešu Bill. Ke lahlegile. Ke ile.” O rile, “Tšohle nkilego ka di kgoboketša, di ile.”

¹⁵¹ Ke eme thwi ntle mo khoneng, seripana se sennyane go tloga mo, letšatši le lengwe, go monna yo a mpileditše go lehlakore la malao a gagwe ge a be a ehwa. O rile, “Ka mehla ke be ke nyaka se se *bjalo le bjalo*, le bjalo.” O rile, “Eupša ga se nke ka tsoge ka direla Morena. Makga a mantši ke tlogetše go ya aletareng.” O rile, “Ngwanešu Branham, rapela gore Modimo o tla dira mosetsana wa ka yo monnyane a boelanye bakeng sa dilo tše ke di dirilego. Mohlomongwe a ka kgona go direla Morena se sengwe.”

¹⁵² Ke rile, “Seo se ka se kgone go dirwa, ngwanešu. Dilo tše o bego o swanetše go be o di dirile di lahlegile.” Hum!

¹⁵³ Ke eme kgaušwi le monna, go mmona a elwa le bodiabolo lebaka la diiri tše masomepedi nne. O rile bodiabolo ba be ba eme lehlakoreng la malao a gagwe ka diketane di rareditše go dikologa molala wa bona. O rile, “O se ba tlogele ba nkhwetša!”

A goelela; mo swareng ka malaong. O rile “Šole o eme. A ga o kgone go le bona? Le tlela nna.” O be a tlogetše Modimo, kgale kudu. O bile le dipolokelo tše kgolo di tletše bjang, di tletše korong, dipere tša mokato tše kaone. Ngwaga pele ga fao, o rogakile Modimo sefahlegong sa Gagwe, a phasola mosadimogatša wa gagwe bakeng sa go ya tabarenekeleng. A le a tseba go diregile eng? Legadima le rathile polokelo ya gagwe, gomme la bolaya dipere, la tshuma bjang bja gagwe. Monna o hwile ka go mohuta tsoko wa mantladima, a elwa le bodiabolo go tloga go yena.

¹⁵⁴ Gomme mogwera wa ka wa kgale (letago!) a eme mošola, a tla bofelong bja tsela. Ke rile, “A o a sepela, papa?”

O rile, “Ye ke yona, Billy.”

Ke rile, “E bjang?”

¹⁵⁵ O rile, “Gabotse gohle.” O rile, “Tliša bana ba ka go bapa le lehlakore la malao.” O beile diatla tša gagwe tša go fokola godimo ga yo mongwe le yo mongwe wa bana ba gagwe gomme a ba šegofatša. O boditše ba babedi ba barwa ba gagwe, o rile, “Lekeletsang diatla tša ka, di phagamišetšeng godimo, boka Joshua le Kalebe ba dirile.” Ke makala se a bego a eya go se bolela. O rile:

Letšatši la lethabo, letšatši la lethabo,
Ge e sa le Jesu a hlatswitše dibe tša ka!
O nthutile mokgwa wa go šetša le go rapela,
Le go phela ke thakgetše letšatši le lengwe le le
lengwe.

Re na le tše dingwe tša dilo tše go tšona, bagwera! Ga go yo motee eupša yo a dumago go ja dijo tše botse, go otlela koloi ye botse, go ba le bokaonekaone bjo re ka kgonago. Ga ke mmone phošo. Seo se lokile. Modimo o go nyaka go ba le seo, eupša:

Se dume mahumo a lefeela a lefase le,
Ao ka potlako a bolago,
Aga dikholofelo tša gago go dilo tša
Gosafelego,
Di ka se tsoge tša feta!

A re phagamišeng diatla tša rena bjale mola re opela.

Swarelela go seatla sa Modimo sa go se fetoge!
Swarelela go seatla sa Modimo sa go se fetoge!
Aga dikholofelo tša gago go dilo tša
Gosafelego,
Swarelela go seatla sa Modimo sa go se fetoge!

¹⁵⁶ Ge re emeleta, a re nong go retologa go dikologa gomme re šikinye seatla le yo mongwe bjale. Re ya go tšwelapele, ka tirelo, nakwana feela. Eupša ke le nyaka le retologe go dikologa ge re sa opela temana ye nngwe ya pina yeo.

Swarelela go seatla sa Modimo sa go se fetoge!

E dire, tate! E dire, papa! Go Modimo! E dire, monyane! E dire, ngwanešu! E dire, ngwanešu!

Aga dikholofelo tša gago go dilo tša
Gosafelego,
Swarelela go seatla sa Modimo sa go se fetoge!

¹⁵⁷ A ga se la Mo thabela? E reng “Amene!” [Phuthego e re, “Amene!”—Mor.] Bohle ba ba Mo ratago, e reng, “Tumišang Morena.” [“Tumišang Morena!”] Bohle ba le dumelago gore le ya go Toropokgolo yela ya sekwerenne, phagamiša seatla sa gago. (Se sware, motsotsotso feela, le pina ya gago.)

Ke tlementšwe Toropokgolo ye botse yela, (Go ya bjang bjale?)
Morena o e lokišeditše ba Gagwe Mong;
Moo balopollwa ba mabaka ohle
Ba opelago letago go dikologa Terone ye Tšhweu.
Dinako tše dingwe ke hlologela Legodimo,
Le letago ke tla le bonago kua.
E tla ba thabo bjang,
Ge ke bona Mophološi wa ka
Ka Toropongkgolo yela ya gauta.

A ga le rate yeo? [Phuthego e re, “Amene.”—Mor.]

Ke tlementšwe Toropokgolo ye botse yela,
Morena wa ka o e lokišeditše ba Gagwe Mong;
Fao ka moka balopollwa ba mabaka ka moka
Re tla opela letago go dikologa Terone ye Tšhweu.
Oo, dinako tše dingwe ka golela go ba gae Legodimong,
Gomme mathaboo kua ke tla a bonago.
A thabo yeo e tla bago,
Ge Mophološi wa ka ke tla mmona
Ka go Toropokgolo ye botse yela ya gauta.

Le a Mo rata? [Phuthego e re, “Amene.”—Mor.]

Gona tšea Leina la Jesu le wena,
Ngwana wa mahloko le madimabe;
Le tla go fa thabo le khomotšo,
Le tsee gole mo o yago.
Leina le bohlokwa (Leina le bohlokwa), O le bose bjang! (O le bose bjang!)
Kholofelo ya lefase le thabo ya Legodimo;
Leina le bohlokwa (Leina le bohlokwa), O le bose bjang!
Kholofelo ya lefase le thabo ya Legodimo.

Bjale, le se ke la lebala Lamorena la go latela mosong, masometharo a senyane. Gomme ka gona re tla leka, ge Morena

a rata, go fetša ka nako, go ba le thapelo ya balwetši, Lamorena la go latela mosong ka masometharo a senyane.

Leineng la Jesu go a inangwa,
 Go wa go ikala maotong a Gagwe,
 Kgoši ya dikgoši Legodimong re tla Mo rweša
 korone,
 Ge leeto la rena le fedile.

Leina le bohlokwa (Leina le bohlokwa), O le
 bose bjang! (O le bose bjang!)
 Kholofelo ya lefase le thabo ya Legodimo;
 Leina le bohlokwa (Leina le bohlokwa), O le
 bose bjang!
 Kholofelo ya lefase le thabo ya Legodimo.

E nong go theetša temana ye:

Leineng la Jesu go a inangwa,
 Bjalo ka kotse go tšwa molabeng wo mongwe
 le wo mongwe;
 Ge meleko go go dikologa e kgobokana,
 E no hema Leina le lekgethwa leo ka thapelo.
 (Leo le tla e dira!)

Leina le bohlokwa (Leina le bohlokwa), O le
 bose bjang! (O le bose bjang!)
 Kholofelo ya lefase le thabo ya Legodimo;
 Leina le bohlokwa (Leina le bohlokwa), O le
 bose bjang!
 Kholofelo ya lefase le thabo ya Legodimo.

Bjale ke bušetša tirelo go modiša, Ngwanešu Neville, go ba le
 mantšu a gagwe a go tswalela le e ka ba eng a ka e bolelago. 

*MORERO MOMENWAGATSHELA WA KETELO
YA GABARIELE GO DANIELE* NST61-0730E
(The Sixfold Purpose Of Gabriel's Visit To Daniel)
SERISI KA DIBEKE TŠE MASOMEŠUPA TŠA DANIELE

Molaetša wo ka Ngwanešu William Marrion Branham, setlogong o abilwe ka Seisimane ka Lamorena mantšiboa, Julae 30, 1961, ka Tabarenekeleng ya Branham ka Jeffersonville, Indiana, U.S.A., o tšerwe go tšwa go theipi ya go gatišwa ya makenete gomme o ngwadilwe ntle le go fokotšwa ka Seisimane. Ye ya North Sotho phetolelo e ngwadilwe gomme ya phatlalatšwa ke Voice Of God Recordings.

NORTH SOTHO

©2021 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriſte. Puku ye e ka se kgone go rekišwa, go tſweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditſhelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org